

道德經釋辭序

大矣哉老子五千文也以靜爲宗以虛爲用說者專言鍊養而不知修齊治平之道纖悉具備昔吳筠曰深於道者無如五千文知言哉第其旨多隱而難於解悟其辭若反而難於融通學者每苦三四讀弗解輒卽廢問亦有爲之釋者終局於管窺之見泥於膠柱之識奈何能發明其理也吾鄉體物子少習博士業弗售繼有悟乎清虛不欲人間事泊其心迺遷跡太和之巖日研窮斯經歷久一旦豁然通也於是出所見分章而釋之帙成持以觀不佞且求爲序不佞受而卒業則見其一言一字鑿鑿中的真所謂以意逆不以辭害卽使老氏復出耳提面命亦道藏輯要

道德經釋辭序

一 心集九

萬歷丁酉歲春上元日

賜進士第行人司行人近野子姚孟昱撰

敘道德經旨總論

太上當周衰之季民風日薄詐僞滋生失性任情離道喪樸仁義行而大道廢隱心傷之於是鵠青牛出函谷關因關尹子之請矢口而言於是乎有書目曰道德經其辭簡其意深其文五千其旨本清虛主無爲法自然務道德尚敦樸絕聖智潛仁義以清靜爲本無爲爲體自然爲用長生爲微以至於齊家和鄉治國用兵爲緒餘而其言足以發先天之秘洩造化之機而其意使人返樸還淳以復太古之自然而其要使人返虛靜之本復性命之原如萬物生於根而歸於根也故曰五千文有清靜之道有無爲之道有自然之道有長生之道有治世之道以至於治心養性體物知身不可作一途看其中多譬喻不可以辭而書意其中多寓言不可作真實語如其必欲盡合孔孟六經之文則有堅白異同之差矣學者當具眼觀之圓機而會其理可也

道德經旨總論

道德經旨總論

二 心集九

五千文不只專言鍊養蓋亦兼言治道如谷神不死是謂玄牝戰戰兢兢抱一能無離乎致虛極守靜篤含德之厚比如赤子治人事天莫若嗇反者道之動道常無爲等章言鍊養也以正治國以奇用兵治大國若烹小鮮以道佐人主不以兵強天下使我介然得位行志等章言治道也若繫以鍊養之意釋之則隘矣然非老子之旨也故曰修之於身其德乃真

修之於家其德有餘修之於鄉其德乃長修之於國其德乃豐修之於天下其德乃普故知聖人中心行道不遺世法老子曷嘗專以鍊養而言哉

五千文之道在乎高柔弱務慈儉去奢棄戒盈滿爲無爲事無事味無味致虛爲靜不逞聰察不街智能無欲無求無爲無執去紛解煩虛心弱志專氣致柔抱一無離不自見不自是不自伐不自矜不欲人之所欲不學人之所學不敢以取強不敢以取勝不敢爲天下先不敢爲主而爲客以退爲進以圖爲明以不足爲廣德以不爭爲上善以清靜虛無爲宗以沖和自然爲用以恍惚之中求至道以窈冥之內覓真精

道藏輯要

道德經旨意總論

三

心集九

千文之所謂道也

五千文者舉大數也如王弼本五千六百八十三字河上公本五千三百五十五字李鴻本五千三百三十五字其他莫能偏舉章中或有增損一二字或差數字外訛不一皆不必求合然其歷年之久傳寫誤耳與其七十二章八十章之不同樂不必論學者但從經義融通其理可也如若信其所傳執一家之偏必欲求合於字之數分彼此之差者此皆膠柱鼓瑟執一不通者也司馬公有云五千言則不定指其五千字是也

道藏輯要

道德經旨意總論

四

心集九

古之聖王治天下靜以修身動必順理無欲無求無爲無執順理自然不妄改作所以不言而民信不怒而民畏無爲而民治其爲道也如斯而已觀夫五千文之道誠不外乎是矣其曰爲無爲則無不治其曰愛民治國能無爲乎其曰治大國若烹小鮮其曰以政治國其曰道常無爲不欲以靜天下將自正其曰我無爲而民自化我好靜而民自正我無事而民自富我無欲而民自樸其曰以智治國國之賊不以智治國國之福其曰取天下常以無事有事不足以取天下其曰清靜爲天下正此老子之道極深研幾聖人南面而術也若孔子者世之博大聖人一見老子言禮之要數之猶龍而孟子泰山巖巖之儒不容纖惡亂於世吾見其拒楊墨闢邪

說排儀余正王化終無一言及於老子者故知五千文孟子雖未嘗見其亦莫能識也所以司馬公論大道先黃老而後六經吳筠嘗曰深於道者無如五千文是也劉向曰老子重本執要清虛以自守柔弱以自持此人君南面之術也司馬談言其旨約而易操事省而功多值文元以為無為無事之中有至美至樂之意存焉薛道衡言其率性歸道以無為用其辭簡而要其旨深而遠飛龍成卦未足比其精微飛麟筆削未能方其顯明用之治身則神清志靜以之治國則返樸還淳白居易言其欲使世情儉樸時俗清和莫先於體黃老昔必賤得之故不下堂而單父之民化汲黯得之故不出閭

道藏輯要

道德經旨意總論

五

心集九

而東海之政成歐陽文忠言老氏之書雖若虛無而於治人之術至矣雖聖人南面之治不可易也蘇文忠言老子以清無為為宗虛明應物為用以慈儉不爭為行公於易何思何慮又言稽首周朝李老君雲運山水水運雲欲得是非非不得五千言外更無文蘇穎濱居穎川十年註此經四復刪改以為聖人之言非一讀所能了每有所得不敢以前說為是今老矣是以為足嘗有詩云近存八十一章註從道老聃門下人錄錄者莫測也其孫稱記公遺言云公為儒講老子數篇曰高出於孟子二三等耳又云至道無如五千文楊龜山言老子以自然為宗謂之不作可也又云私意去盡然後

道藏輯要

道德經旨意總論

六

心集九

可以應世老子云公乃王李延平云老子之書雖未嘗熟亦未能毀毀之則清靜為天下王之說其可毀乎曰希哲嘗大書治人事天莫若尚於坐而壁上云言修養家以此為養身要術然事事保謹常令有餘持身保家安邦之道不越於此不止養身也陳忠肅云老子言天下神器不可為也為者敗之又言治大國若烹小鮮夫烹小魚無所事於煩也制水火之齊以熟之而已大舜無為而治不以此歟黃茂才言老子之道將以乘雲氣而上提無極俯視乎八荒之外人間事物不足以擾其心若數君子者皆世之明卿達儒蓋其實所有見五千文之旨也所以曹參學漢文用之而海內富庶天下至今稱之也宋太宗語近臣曰朕讀老子至佳兵不祥之器聖人不得已而用之未嘗不三復以為規戒晉王沂公請校三節道經上因言其書不如老子五千文清靜而簡要張知白曰陛下留意於此乃治國無為之術也或曰晉尚清虛而江左曰削文中子曰清虛長而晉室亂非老子之罪蓋晉人不得其要而昧其所長也薛考功慈曰晉人尚清虛而腐實行時放達而遺名教故天下亂也老子所謂棄仁義者將以宗道德也老子所謂絕禮法者將以反忠信也吾見晉人棄仁義而不見其宗道德吾見其絕禮法而不見其反忠信大抵務名高濁宴安急權利好聲技其食鄙饒薄之情極矣欲

其不亂難矣哉若老子之言曰太白若辱務名高乎強行有志溺宴安乎少私寡欲急權利乎不見可欲好聲技乎若畏

四鄰嗜放達乎多言數窮尚清談乎以此觀之則晉人之行與老子之言方圓黑白不相入矣有何祖述老子之道哉

清 迹跡太和潛身巖穴越歲窮經深有感於斯文故知五千文之旨在於收斂事物之紛散而歸於敦樸之純一無爲而無不爲以復體性之自然也旨哉玄矣深矣誠爲眾妙之門矣豈止於修身復性長生久視而已哉若以其道舉之於政內以修身外以治國以無私應世以無爲治心以無心待物以無事治民以不戰爲策命諸將以省刑息事救百司則下

道藏輯要

道德經旨意總論

七

心集九

民自然觀感興起不數載間其民淳淳其俗樸樸則義軒之化復行唐虞之治可觀比隆禹文錄視湯武淳樸之風重見聖人大體復明上古聖王以道治天下何有以加於此哉百世之下有同志同氣者亦將有感於吾言信夫

余自蚤歲知學長討玄章雖則志慕清虛心猶感妄雖則心存至道意未釋然竟日勞勞終宵擾擾自知幻緣繫縛情見難忘於是戴黃冠披鶴氅東遊兩浙遍歷三吳忽憶母老遂幡然歸未幾慈幃見背子亦長成更歷三四寒暑始壯歲割恩離俗決志抵廬終南自湖陰沂沭湘漢到五當山閱道德經八十餘家註釋言多乖舛罔合經旨互有得失罔見全書余

每讀之輒興歎不已於是參詳眾論以利其器究極玄微撮其精要折衷諸家之說參之未發直而註之目曰道德釋辭向隱繡中未敢輕顯丁酉春御馬監右監承虛立段公遵迨於京師白雲觀中不數語感合遂執弟子禮捐貲命工鐫梓以廣其傳豈偶然哉皆宿世之因也故敘其事以誌之

萬歷丁酉季夏望日體物道人岫雲王一清敘

道藏輯要

道德經旨意總論

八

心集九

重刊道藏輯要

心集九

道德上經釋辭

體物子岫雲王一清釋

道可道章

道可道非常道名可名非常名無名天地之始有名萬物之母
常無欲以觀其妙常有欲以觀其微此兩者同出而異名同謂
之玄之又玄眾妙之門

有世間之道有出世間之道世間之道有形有名有理有事
故可道可名也出世間之道無形無名視不見聽不聞故不容
言不能名也常者常住不滅之意蓋其不變不易無始無終
不生不滅無久無餘本然之妙也這箇本然之妙包含無量

道藏輯要

道德上經釋辭

心集九

爲造化之本舒之則徧滿六虛無物不有無所不在卷之則
寥寂無踪不屬聲音非從名色若以聲音名色求之則愈求
愈遠愈窮愈離其終不可得也吁真常之道悟者自得盡性
則明至之自見若向靜中加存養或可見其端倪若在動中
見無相庶幾識得頭面恍惚杳冥元無定體有而無形極玄
極妙也玄也妙也畢竟不可見不可聞不可道不可名虛無
恍惚而非有也先天地以常存後天地而不滅沖靈恆存而
非無也溟滓之中神化變動虛無自然而生一氣一氣之中
而分陰陽陰陽交感而生萬物吾知其所以生萬物者理與
氣也有理斯有氣有氣斯有形有形斯有名有名便屬可道

道教學術資訊網站

道藏輯要

道德上經釋辭

心集九

也故知可道可名者乃太極陰陽五行萬物君臣父子政教
之道之名而非真常之道之名也故曰道可道非常道名可
名非常名也天地者太虛中一大物也古初無物天地萬物
自無而有故無者名天地之始謂之先天也道之體也在內
爲陰陽在外爲天地有天地然後有萬物而有者名萬物之
母謂之後天也道之用也無欲者未與物接虛心無爲本然
之妙也有欲者心與物交隨境生識感通之機也觀者攝境
歸心謂之照也妙者微不可見也微者有從此出也常於虛
心無欲之頃以觀其本然之妙但見其渾渾淪淪寥寥寂寂
澄湛妙明胸中豁然無一物矣此所以爲本然之妙而爲吾
心之體也常於生心動念之頃以觀其自然之微但見其響
來則知物至則見順其心則喜逆其心則怒傷其心則悲痛
其心則哀見善則知好見惡則知惡見利則知趨見害則知
避觸處呈露不期然也此所以爲自然之微而爲無心之用
也此兩者謂有無也無欲有欲也有無者自然動靜也無欲
有欲者無心動靜也靜爲體動爲用動合有靜合無言此二
者同出之於常而有動靜之殊程子云體用一源是也故知
無與有同出之於常無欲有欲同出之於心心即性性即道
而無所不同是皆出之於自然故曰同謂之玄也玄者自然
也自然者玄之標常之妙常不可見自然可見也玄之又玄

者妙中之妙自然而然而然者真能使之然莫能使
之不然也是以聖人法道自然則明了知不因意念心常
照不關眼目無知而妙意行不見而諸法會以其山真外應
此感彼符如陽燧方諸之於水火也重言這箇自然玄妙不
由安排而其理有不可揜者蓋出之於自然不得不如此也
天地之所以闢闢日月之所以往來陰陽之所以消長晝夜
之所以循環天地之間飛潛動植一切物性皆自然而然而也
學者當於言象之外密爾參求以法其自然則心虛性寂無
蔽無私微妙雙忘無有一貫動靜同源體用不二起然間通
復乎真常逃出陰陽脫離造化故知自然而然而者眾妙之門
也

道藏輯要

道德上經釋辭

三

心集九

天下皆知章第二

天下皆知美之爲美斯惡已善之爲善斯不善已故有無之相
生難易之相成長短之相形高下之相傾音聲之相和前後之
相隨是以聖人處無爲之事行不言之教萬物作而不辭生而
不有爲而不恃功成不居夫惟不居是以不去

善惡本無妄情分別故以順理則爲美爲善悖理則爲惡爲
不善循其理以待物謂之美謂之善亦常分也若有心爲美
善之名則有不美不善者矣有美則有惡陰陽相因對待之
義也譬如天地萬物自無生有豈能常有終必歸無而有又

正一天師清微弟子洪百堅製作

道教學術資訊網站

道藏輯要

道德上經釋辭

四

心集九

生無也無生有有生無故曰有無之相生也不難無以成其
易非易何以成其難因難成易因易成難故曰難易之相成
也因其長以形其短爲其短而形其長長形短短形長故曰
長短之相形也登其高俯見其下處於下仰見其高高俯下
下傾高故曰高下之相傾也非音則無以和其聲非聲則何
以成其音音和聲聲成音故曰音聲之相和也瞻其前則彼
固爲前我爲隨顧其後則我又爲前彼爲隨也因前有後因
後有前故曰前後之相隨也相生相成相形相傾相和相隨
反復相因自然對待相偶雖欲間之不可得也其意蓋謂有
美則有惡有善則有不善也莫若冥心復性善惡雙忘無心
於美則無惡事無心於善則無不善也觀夫聖人之處世也
順理而爲未嘗不爲時然後言未嘗無言物至則應何嘗以
多事爲畏而辭其勞也知生爲虛幻而不厚其生也知事之
當爲不恃之以爲功也此皆天理之自然人道之常分何有
於我哉噫聖人雖然無容心於美惡無容心於功業而天下
必以其功歸於聖人雖欲去之不可得也故曰夫惟不居是
以不去也

不尚賢章第三

不尚賢使民不爭不貴難得之貨使民不爲盜不見可欲使心
不亂是以聖人之治虛其心實其腹弱其志強其骨常使民無

知無欲使夫知者不敢爲也爲無爲則無不治

不務道德而以爵祿爲尙才藝爲賢則人挾才藝輕趨而倖進蓋名者爭之端也尙道德不尙才藝則小人不能逞其才何爭之有也不貴性命惟以貨財爲難得而厚藏則盜賊懷其心伺隙而窺竊蓋利者盜之媒也貴性命不貴貨財則盜賊無所用其心何盜之有也心者神之舍目者神之牖神存於內則潛之於心發於外則見之於目蓋因目之妄見而生種種分別之心起一切不正之念迷惑其性也是以聖人戒人謹於目以靜其心制於外以安其內如其非理則勿視之一切分別之心無由而起不正之念從何而興雖在可欲之道藏輯要

道藏輯要

道德上經釋解

五

心集九

沖道而用之章第四

沖道而用之或不盈淵兮似萬物之宗挫其銳解其紛和其光

同其塵湛兮似或存吾不知誰之子象帝之先

沖虛也和也道以虛爲體以和爲用不盈猶不滿謂適中也人惟虛其心以應物則無不中其節故無盈滿之累也淵者深沉難測虛靜之謂虛靜者萬法之宗萬善之源也挫剛反之銳懲其忿不害其氣也解煩冗之紛去其累不耗其精也翫其光不露其耀不自銜以傷神也混濁世不污其真不做物以鍊心也湛者靜而明也若存若非有非無恍惚渺漠不可定見之謂也若定以爲無周流乎天地之中無物不有無所不在感之則靈感之則應不得謂之無也若定以爲有真能測其端倪真能見其蹤跡真知其所以然不得謂之有也

道藏輯要

道德上經釋解

六

心集九

天地不仁章第五

天地不仁以萬物爲芻狗聖人不仁以百姓爲芻狗天地之間其猶蓐芻乎虛而不屈動而愈出多言數窮不如守中天地大生之仁聖人大化之仁不仁者無心於仁之謂也天地無心而化成至仁也而言不仁者謂其不私物也聖人有心而無私至仁也而言不仁者謂其不偏愛也芻狗祭品燎帛之具祭則用之已則棄之言其適用適棄皆出於無心聽

之於自然天地之於萬物聖人之於萬民皆然也天地運一
氣生養萬物生者自生殺者自殺以任其自然心普萬物而
無心也聖人運一心教養百姓安其分樂其業富貴貧賤聽
其自然以天地之心爲心也故知天地者乃無心之聖人聖
人者是有心之天地也靈籥虛中之器有鼓納闔闢之機惟
虛故能納而爲靈籥之體故動則生風而爲靈籥之用以其
中虛故能生氣所以噓之而不屈愈用而愈有也夫道不可
以言求也不可以數窮也若以言語象數求之則愈求愈遠
愈窮愈繁不如默然忘言如靈籥中虛寂然中泊然一圓常
之妙於茲可見焉可多言也哉孔子曰予欲無言天何言哉

道藏輯要

道德上經釋辭

七

心集九

四時行焉百物生焉即此意也

谷神不死章第六

谷神不死是謂玄牝玄牝之門是謂天地根綿綿若存用之不
勤

谷者虛也神者性之靈也谷神者虛寂不神之神也不死者
謂不昧其機也然此真機虛寂有靈故稱妙有有而無相假
名真空妙有真空玄牝根宗由是知之玄者虛靈之妙也牝
者竅也這箇虛靈玄竅闔闢元氣體性圓通爲生化之本在
人身天地之正中是造化根宗性命淵源實天地交界之所
陰陽混合之處水火交媾之鄉凝結聖胎之地精神魂魄皆

道教學術資訊網

聚於此自古神仙修煉內丹皆在此處所謂玄關一竅是也
門者言天地萬物皆從此虛靈玄竅中出也這箇虛靈玄竅
總括眾妙道所從出天地從生故曰天地根也綿綿若存相續
不絕之意不間斷之謂也若存者恍恍惚惚無莫能定見似有
非存之謂也用之不勤者虛心無爲而已虛心而神自返也
無爲而氣自復也神返氣復吾身之玄牝立矣由是知之谷
神不死者虛心養神之喻言其體也玄牝之門者陰陽闔闢
之喻言其化也綿綿若存用之不勤者志意不分之喻言其
用也此言虛心養神神得其所養而返於心心不外馳而氣
自返於身身心妙合神氣歸根結成大藥謂之還丹乃不死
之道也故必用志不分沖和抱一綿綿續續以用之優游以
養之不可著之於有不可失之於無不可以有心守不可以
無心求以有心念之則非妙有以無心忘之亦非真無惟相
見於混沌杳冥之中相接於恍惚虛無之內無中不無乃見
真吾亦不知其所以爲吾噫惟無心者則能見其真吾盡性
者則能知其真吾此章玄奧爲金丹昇祖登易言哉而迷人
遠言之者蓋亦不得已也蓋傷仙道二百載家法也

道藏輯要

道德上經釋辭

八

心集九

天長地久章第七

天長地久天地之所以能長且久者以其不自生故能長生是
以聖人後其身而身先外其身而身存以其無私邪故能成其

私

天地形氣也既是形氣便有成壞又焉能久其所以能長且久者以其無心故長久也以道論之若天地之長久亦須臾間耳而所謂真常且久者有一亘古今不壞而常住者存也由是知之天地隨一氣生養萬物其生者則未嘗生以其不自生故能長生也人之所以不能與天地同其長久者爲其感於見聞迷於覺知幻形桎梏貪生太厚情妄之心不息嗜欲之心不休故也是以聖人法天無心滅除世幻體合自然卑身以養志忘身以全真人皆好高我獨謙下人皆自大我獨柔弱人皆爭先我獨退怯後已先人故人尊之是謂道藏輯要 道德上經釋辭 九 心集九

道藏輯要

道德上經釋辭

九

心集九

上善若水章第八

上善若水水善利萬物而不爭處眾人之所惡故幾於道居善地心善淵與善仁言善信政善治事善能動善時夫惟不爭故無尤

水之爲物柔弱無心歸虛去實盈科後進不舍晝夜運之則爲雨露流之則爲江河植者賴之以生污者賴之以潔此水之善利萬物也壅之則止決之則流隨方就圓聽從於物謂之不爭也人之情喜榮惡辱好高而惡下水之性趨下處低流污以就穢宜其眾人之所惡也若水之德滔滔東注不舍晝夜冥契恆常不息之機故喻之爲上善也人能法之可以進於道矣觀其所居則安心處下而止於靜居善地矣質之於心則澄靜虛明而能鑑物心善淵矣交之於物則利濟普徧彼此無私與善仁矣發之於言如潮汐進退不失其時言善信矣施之於政平則無聲無往不正政善治矣用以處事則方圓曲直泛應適事善能矣用之於時則春盈冬涸與時偕行動善時矣人能明此七善則方寸不競和順謙虛而無昧已自私之蔽惡性易而善性生勝心去而良心發退避慈柔與物無爭蓋爭從心起以無心爲心又何爭之有也故用之而無過

道藏輯要

道德上經釋辭

十

心集九

持而盈之章第九

持而盈之不如其已揣而銳之不可長保金玉滿堂莫之能守富貴而驕自遺其咎功成名遂身退天之道此章以戒盈挫銳爲喻而爲履盛滿不知止者之鑒戒也戒之哉滿則覆太剛則折勢必然也是故知盈滿難持必有傾

覆之患已之而勿持則無滿覆之累也揣治也器之鋒銳必
有剝削傷折之害慎之而勿用則無傷折之患也金玉貨帛
積致盈箱滿室適足以招禍且有時而盡豈能守之而無失
也若以富貴而驕人則必有盈滿傷折之患自取其咎也孰
不知天道惡盈而益謙大丈夫功既成名既遂須知生如夢
幻富貴浮雲當及時割愛跳出樊籠超然物外散誕無拘逍
遙自在以順天之道以全天之與我者安乎自然固真保和
盡性至命豈不偉哉易曰不事王侯高尚其志范蠡扁舟於
五湖張子房從赤松子遊是也

載營魄第十

道藏輯要

道德上經釋辭

土

心集九

載營魄抱一能無離乎專氣致柔能如嬰兒乎滌除玄覽能無
疵乎愛民治國能無爲乎天門闔關能無離乎明白四達能無
知乎生之畜之生而不有爲而不恃長而不宰是謂玄德

載者如舟車載物念慮營營魄之爲也魄屬陰陰盛則害陽
蓋言情熾則傷性也是以聖人教人抱元以定其性志一以
靜其心常使神不離氣氣不離神神氣沖和陽純陰滅則魂
載魄謂之抱一無離也專氣致柔能如嬰兒乎嬰兒方生也嬰
兒未有知識其志專一其氣柔和其心無妄其神不罷純一
之意也滌除玄覽能無疵乎玄覽者謂見聞覺知亦陰也
疵疾病也洗滌見聞滅除知覺則情妄漸消塵緣漸息疑慮

道教學術資訊網

道藏輯要

道德上經釋辭

土

心集九

人人得而見之也故知聖人之德順理而爲無有一毫人欲
私智增損於事物之上一切出於自然是故謂之玄德

三十輻章第十一

三十輻共一轂當其無有車之用埏埴以爲器當其無有器之
用鑿戶牖以爲室當其無有室之用故有之以爲利無之以爲
用

古人制器尙象車輪形圓象月其輻三十一月之數也轂者
虛中轆軸運輪以行地也埏埴和土成泥以爲器也戶者室
之穴也牖者通明處也無謂虛也車之無轂不能運行器不
中虛何以乘受室無戶牖其能出入車器室皆實有之利故

曰有之以爲利也車之穀器之虛室之戶牖虛通而爲之用故曰無之以爲用也是故凡物之有形以爲利者皆賴無形之妙以爲用也譬喻吾身有形也而其中有無形者而爲之用豈特吾身凡天地萬物皆然也胥元一曰聖人言三十幅共一轂以至於器重之論蓋使學者體物之身匪徒事於文也車器室之理先賢論之亦詳不復贅言若夫體物知身則言之者鮮體物知身之說譬頭目耳鼻口體手足其成其身雖然各有攸司乃塊一物也而其知覺運動視聽言嗅皆在於吾而求吾之一字竟莫能指其端的處豈非無位之吾而爲有數之身用哉此有之以爲利無之以爲用也

道藏輯要

道德上經釋辭

三

心集九

五色令人章第十二

五色令人目盲五音令人耳聾五味令人口爽馳騁田獵令人心發狂難得之貨令人行妨是以聖人爲腹不爲目故去彼取此

人之初也性無不善雖然天理而精神魂魄意之五神安藏於心冥然不見自能食能言而生識神便溺於見聞而達其真至於日積月累習染漸深元初鑒矣及其長也惟以名利是求聲色是好勢力勝而道力微人欲熾而天理滅蓋因眼耳口心意五者爲之蠱也食色不反以傷其神故目盲食聲不反以傷其精故耳聾食味不反以傷其真喪失道味馳騁

田獵以動其意心亂發狂貴藏難得之貨心惑怖盜日夜隄妨則向之所謂五神者化爲五賊蠱我精神擾我魂魄耗我元靈魅我眞性爲我之害也是以至人教人存五神斬五賊實其腹以養氣不悅目以亂心全諸內以養其眞忘諸外以驅其妄故云去彼取此

寵辱若驚章第十三

寵辱若驚貴大患若身何謂寵辱寵爲上辱爲下得之若驚失之若驚何謂貴大患若身人之所以有大患者爲吾有身及吾無身吾有何患故貴以身爲天下若可以寄天下賤以身爲天下若可以託天下

道藏輯要

道德上經釋辭

四

心集九

寵謂榮寵辱恥辱也若驚者謂妄動其心然非性情之正也何謂者設問之辭也凡人莫不貴榮而賤辱故以寵爲上辱爲下也寵辱本無分別之者妄情也世俗既以富貴榮寵爲得志必以貧賤恥辱爲失時榮寵之也得必驚而喜之恥辱之也失必驚而怒之是謂得之若驚失之若驚也患者憂苦疾厄也身謂幻形非眞形也眞身無患被血月之軀爲之累也達斯理者識破虛幻則知形非眞我悟物皆空則識外緣虛假自然忘形去累業苦澆復何患之有也此章之意蓋謂寵辱不足驚而人自驚之身不必貴而人自貴之眞山以情識妄動其心自私而貴其生其若心能忘也則寵辱不足

驚身能忘也則憂患不能入若以貴愛其身之心而貴愛天下則知人即我也我即人也無一人不在貴愛之中無一物不在慈祥之內故可以為天下之壽託也託託者如可以託六尺之孤寄百里之命義同

視之不見章第十四

視之不見名曰夷聽之不聞名曰希搏之不得名曰微此三者不可致詰故混而為一其上不昧其下不昧細細兮不可名復歸於無物是謂無狀之狀無象之象是謂恍惚迎之不見其首隨之不見其後執古之道以御今之有能知古始是謂道紀

道藏輯要

道德上經釋辭

五

心集九

得言此夷希微三者不能以言語審諦而分別之故云不可致詰故混而為一也求之於上而不見其明求之於下亦不為其晦求之於自古及今細細兮如是之悠久終不見其際故不可得而名之然則歸之於無物可也反復求之於無物之地但見無狀無象之中而有至妙至真之理又不得謂之無物也謂之有也而不見其形端謂之無也而物賴之以成若有若無恍恍惚惚終不能以為象以為名也繼而求之於前而不見其有始反而求之於後亦不知其有終隨迎始終而莫能見復求之於古之道古之道本無求之於無而無亦無則莫知其所以然矣然後始知此天地萬物皆自古初之

無而生今之有也能知古初之始始於無始為道之端緒者謂之道紀也由是知之此道終不可以情求終不可以智知也以形名求之了母可得以微昧察之湛不可分始終不能窮隨迎莫能見以無御有生生化何窮

古之善為士章第十五

古之善為士者微妙玄通深不可識夫惟不可識故強為之容豫若冬涉川猶若畏四鄰儼若客渙若冰將釋敦兮其若樸嗚兮其若谷渾兮其若濁孰能濁以澄靜之徐清孰能安以久動之徐生保此道者不欲盈夫惟不盈故能弊不新成

道藏輯要

道德上經釋辭

六

心集九

凝神氣以築其基或求侶擇地傲遊湖海或瑯光晦迹藏器待時或縱酒放曠俄而沖舉或祿仕濟世倏而飛仙或積功累行施符貨藥或潛藏巖穴辟穀煉形倏往倏來隱顯莫測其迹雖與人同其心則與人異瑯光隱耀返情於空人所難測故云微妙玄通深不可識也其可見者觀聖人之威儀應事接物之迹耳踐其迹者則知聖人之道不離日用作真修也觀夫聖人之接物也遇事輒加戒慎而不敢輕發豫豫然若冬涉川之難斯聖人之慎謹也雖然燕居獨處常存謹畏而不敢妄為猶猶然若畏四鄰之竊知斯聖人之慎獨也終日儼然如對大賓未曾造次斯聖人之主敬也其心渙然如

春冰融釋斯聖人之無疑也其質渾厚如愚似訥其衷寬大如谷中虛混俗同塵渾渾然與世爲一其迹未嘗不與人同也孰能者勉之之辭也孰能以久濁之水止而澄之徐徐而自清孰能以久動之念安而靜之徐徐復其初也濁可清也非靜久則不得念可息也非性定則不能保此道者惟虛其中空空然不留一物故云不欲盈也是以聖人被褐懷玉外爲狂夫如弊敗之物無新成之可觀此聖人之微妙玄通始終莫能識也列子居鄭圃四十年無人識者是能守弊者也

致虛極章第十六

致虛極守靜篤萬物並作吾以觀其復夫物芸芸各歸其根歸

道藏輯要

道德上經釋辭

七

心集九

根曰靜靜曰復命復命曰常知常曰明不知常妄作凶知常容容乃公公乃王王乃天天乃道道乃久沒身不殆

至虛生神至靜生氣故知道從虛靜中出致者達其極也守者設其權也虛至大無際故言極靜猶與動偶故言守靜不篤則動亂隨之此言學者篤於靜默爲本極於致虛爲成故可見自性之原入真實之地觀夫萬物並生於天地間莫不繁秀暢茂其及蒂葉脫落津液歸根故知此道出於虛而還於虛物生於根而復歸於根也萬物歸根乃謂之靜至於靜極陽生物復暢茂謂之復命也竊知老子以虛極靜篤而爲歸根復命之說者蓋其使人疑妄歸真以復其初此復命之

常也若知其常則心虛性盡而道自明也不知其常則有妄動妄作之舉悖理招凶也知其常則心同太虛何物不容也有容其德必大而無私何所不公也以公處世天下歸之可以爲王也王者之德與天契同德與天通無爲自然性成道備悠久無疆終身用之何殆之有

太上知章第十七

太上知有之其次親之譽之其次畏之侮之信不足有不信猶其貴言功成事遂百姓謂我自然

太古上古之世天下之民惟知有尊君而已及其後也始有親譽之意譽必生毀民僞興焉故設刑法以威之始有畏懼

道藏輯要

道德上經釋辭

六

心集九

之心法嚴則傷恩始有侮慢之意數者具由在上之人去誠用智而信不足其民始疑而不信矣民之不信而難治者蓋由上之有爲不尚真實不務德化惟以言語爲貴以煩民豈不愈重其疑而民不信宜矣莫若以不言之教無爲而治挽回太古淳風而民安俗美天下自然化也如是則功成事遂百姓謂我自然也

大道廢章第十八

大道廢有仁義智慧出有大偽六親不和有孝慈國家昏亂有忠臣

道生於天地之先涵仁義而潛智慧若任仁義而拘智慧則

離消喪機而大道廢矣殊不知有仁義則有奸狡有智慧則有詐詐有忤逆不和然後知有孝慈有奸邪亂國然後知有忠臣此言大道行則仁義隱大道廢則仁義彰莫若潛仁義而屏智慧則奸狡無所逞其智詐偽無所用其情六親自和民安國治則孝子忠臣不知所在反民風於消樸復太古之自然而大道行矣此亦一時傷世思古之語也

絕聖棄智章第十九

絕聖棄智民利百倍絕仁棄義民復孝慈絕巧棄利盜賊無有此三者以爲文不足故令有所屬見素抱樸少私寡欲

道藏輯要

道德上經釋解

九

心集九

於消化之中而利民百倍於鋤奸矣仁義之名立則忤逆不彰而自顯莫若絕而棄之則善惡而無所分別使民復於孝慈矣夫巧足以生奸利足以招盜若絕機巧之心棄貨財之利何盜賊之有也聖智仁義巧利三者見之於外所以爲文名興而實喪三者絕而棄之其文雖若不足而其實則民有所賴矣至人恐人不知其實之義故曰見素抱樸守本貞也少私寡欲去妄情也

絕學無憂章第二十

絕學無憂唯之與阿相去幾何善之與惡相去何若人之所畏不可不畏荒兮其未央哉眾人熙熙如享太牢如登春臺我獨

泊兮其未兆如嬰兒之未孩乘兮若無所歸眾人皆有餘而我獨若遺我愚人之心也哉沌沌兮眾人昭昭我獨若昏眾人察察我獨悶悶忽若海濤兮似無所止眾人皆有以我獨頑似鄙我獨異於人而貴食母

道藏輯要

道德上經釋解

十

心集九

絕學者非不學也學至於無所學斯絕學也吾見今人塊然一物蠢爾無知達云絕學無憂而言不必用心於學問此輩正如盲人騎瞎馬欲之東而往西欲往南而走北不知所從相應何日易曰窮理盡性以至於命蓋言學者始於窮理次於盡性終於復命也故學務求理未有理不明而能盡其性亦未有性不盡而能致其命也故知理者窮之而後可知也盡心以求理然後得之未有不學而能自得者也學盡於心則無所學而理明矣理明心盡而性亦盡故知性者盡之而後可知也然人之性本寂感物而動以生其心心生性迷昧矣若知得吾之性天元初無初亦無知識冥然一念不萌則此心不生而吾之性復矣性復命至故知命者至之而後可知也命者性中之妙妙然冥然不可見聞者也列子云莫知其所以然而然者命也命之理微故孔子罕言之孟子難爲言而善養之浩然塞乎天地之間西昇經云我命在我不屬天地我不視不聽神不出身與天地同其久我與天地分一氣而治者守本根也學至於命則無所學故曰學至於無所

學乃絕學也彼以文辭術藝而爲學者學其一而遺其二得於此而失於彼惟恐見聞之不廣求之於外常苦其不足故憂也聖人足之於內而無所不知故無憂也譬如唯者應之速而爲恭阿者應之緩而爲慢皆應聲也相去不遠而其爲恭爲慢則相去遠矣順理則爲善悖理則爲惡同出於一心相去不遠而其爲善爲惡則相去遠矣其意蓋謂聖凡均之爲學也相去不遠而其爲聖爲凡則相去遠矣竊知聖人之心未嘗不與人同凡人之所畏亦從而畏之如畏天命畏大人畏聖人之言人之所當畏也若以此爲不足畏則肆情縱欲荒亡招殃咎而莫知其極也衆人以嗜味悅目爲樂熙熙然耽嗜太牢以爽其口春登高臺以悅其目聖人則澹泊無爲似方生嬰兒之未孩專氣致柔如乘虛御風飄飄然莫知其所以止也衆人貪欲無厭惟恐爵祿之不大財貨之不多常懷盈餘之心聖人則捐情去欲遺其耳目猶恐捐之之不盡沌沌然無知無識猶若一愚夫而遊於世也衆人昭昭而自衍其明察察而自逞其智聖人則昏昏而不露其光闇闇而不顯其跡恍恍如在太海之中寥寥然而不見有邊際也衆人皆有能有智聖人如頑若鄙西昇經云衆人皆知得神而生不自知神自生也自生者元妙也故知元爲化本妙是生根萬物賴之以生謂之母也由是知之聖人所以異於衆人

道藏輯要

道德上經釋辭

至

心集九

者爲能抱元入妙守本根也故曰而貴求食於母經云常能守身乃長久

孔德之容章第二十一

孔德之容惟道是從道之爲物惟恍惟惚惚兮恍其中有象恍兮惚其中有物窈兮冥兮其中有精其精甚真其中有信自古及今其名不去以閱衆甫吾何以知衆甫之然哉以此

孔者大也道不可見而德可見故以德爲道之容也有道者必有盛德之容然其動止合度威儀自然爲其胸中有大者存故曰惟道是從也道之爲物惟恍惟惚蓋言此道恍有惚無之謂也惚兮無而無中有靈恍兮有而有中無象極言

道藏輯要

道德上經釋辭

至

心集九

不可定之之意也窈者微不可見冥者幽不可測言此道妙微而難爲識擬不能以知見求之之意也然恍惚窈冥之中而有象有物有精者則是無中恍若有也其精甚真其中有信極言妙有而非無也惟其無中之有而爲有中之真即真空不空之謂也然此妙有前際無始後際無終亘古今不變不易而常存故曰其名不去也問者見也眾甫者眾理萬事也吾何足以知其事理之當然者蓋以有此妙有而能通天之下理審萬事之情虛以待之順以應之則無所不知也

曲則全章第二十二

曲則全枉則直窪則盈弊則新少則得多則惑是以聖人抱

爲天下式不自見故明不自是故彰不自伐故有功不自矜故
長夫惟不爭故天下莫能與之爭古之所謂曲則全者豈虛言
哉誠全而歸之

曲已成物物自歸之不求全而自全也枉已從人人自信之
不求直而自直也窪下之地水必歸之謙受益也躁則必新
晦必明屈必伸也少則得專一不雜故得也多則惑愈多務
得故惑也是以聖人冥心意以盡性與道爲一而爲天下後
世學者之式則也不以己之見而滅人之見是能兼人之善
而心愈明也不以自爲是而取人之是是能同人之德而德
愈彰也功成不自誇其功而功愈大也居上而不矜其長而
道藏輯要 道德上經釋辭 望 心集九

德愈尊也反覆言之皆不爭之目也曲已成物而物莫能與
之爭枉已從人而人莫能與之爭故曰天下莫能與之爭也
不求自全而人全之不求自直而人直之古之所謂曲則全
者其豈虛言哉是以天下之民皆賴聖人謙光布德之恩心
悅誠服必以其功歸於聖人故曰誠全而歸之也

希言自然章第二十三

希言自然飄風不終朝驟雨不終日孰爲此者天地天地尚不
能久而況於人乎故從事於道者道者同於道得者同於得失
者同於失同於道者道亦樂得之同於得者得亦樂得之同於
失者失亦樂得之信不足有不信

道教學術資訊網

道藏輯要

道德上經釋辭

望

心集九

自然者莫能使之然莫能使之不然也若執自然爲道則被
自然之所縛耳師云說自然來不自然是也經云天地神其
機則曰自然自知其不知則亦曰自然自然之妙惟妙於知
而所以妙則自乎不知然於道則未始有以自之然之則自
然之名亦強說也故知自然者神妙也神者莫知其所以神
而神妙者莫知其所以妙而妙甚至有不能以言語形容不
能以心思測度知其所以然而不知其所以然名其所以名
而不知其所以名則自然之名又安在哉此自然之旨也故
五千文以自然爲道之極至所謂道法自然是也希少也自
然二字其言雖少適足以爲造道之要也飄風驟雨天地爲
之尚不能繼之以終朝終日何也乃其迅疾暴戾發泄太甚
出非自然故也此章之意蓋始學者動靜語默窮達得失一
切循乎自然其若自私妄動躁等躁進一旦不繼則爲飄風
驟雨離道失常反爲進修之累矣吁以天地之力尚不能久
何況人之輕動乎戒夫從事於道者當混心於事物以順其
自然同於道可也同於得可也同於失亦可也同者隨從之
意從乎道吾樂之從乎得吾樂之從乎失吾亦樂之以其得
失在物吾何有焉若知其得失本無何往不樂若以得失介
乎方寸者妄情也信者真實也然此道須要見得箇真實處
釋然無疑心地方是有功若有一毫疑二之心介乎方寸則

不得謂之真實矣故曰信不足有不信也此章言道法自然本無得失而隨世得失或得或失聽從於自然以任其所至然吾未嘗介乎得失之間此其所以爲自然之道也

跋者不立章第二十四

跋者不立踰者不行自見者不明自是者不彰自伐者無功自矜者不長其於道也曰餘食贅行物或惡之故有道者不處跋者起其踵而立以增其高踰者開其足而行以潤其步此言好高自大者其終不能久之喻也自見者以爲天下莫我善則不能兼人之善故不明也自是者以爲天下莫我能則不能得人之能故不彰也自誇其功者猶恐人之不我知而

道藏輯要

道德上經釋義

重

心集九

人反鄙之故無功也自矜其能者以爲天下莫我若而人反卑之故不尊也此言蓋爲好高好大自見自是誇功矜能者之鑒戒也如斯之人學道如將盈餘之食售人矜誇其富足而反爲識者之所厭惡求榮反辱之辭也若有道者謙虛恬退常若不足者以此而自處之不處也

有物混成章第二十五

有物混成先天地生寂兮寥兮獨立而不改周行而不殆可以爲天下母吾不知其名字之曰道強爲之名曰大大曰逝逝曰遠遠曰返故道大天大地大王者域中有四大王居其一焉人法地地法天天法道道法自然

有物混成渾淪無分之謂也或問此物曰此物無首無尾不變不重非無非有非形非方無餘無欠不減不增無來無去不滅不生不黃不赤不白不青無內無外無迎無將無辭無與不低不昂寥廓太虛無象無光若有若無若有若亡用之則行卷之則藏出入無時莫知其鄉生於天地之先寂然不見其有寥廓不見其邊亘古今獨立而長存不變不滅流通於天地萬物之中無殆無危爲生生之本化化之根天地人物賴之以生故曰可以爲天下母也爲其無有不可得而名之故以道而表之也以其包含無量獨露無鄰強以大而名之此道至大也自大而求之則逝而去矣自逝而求之愈

道藏輯要

道德上經釋義

重

心集九

求而愈遠自遠而求之終不見其際反而求之恍在人心之中強曰道也天地人三才也皆道之所生不言人而言王者蓋其爲人倫之首也而人惟知道大天大地大殊不知人與天地並立爲三而王者亦大故曰域中有四大而王者處其一也是以聖人教人篤靜法地致虛法天澹泊無爲以法道清靜其心純粹其德動止中度左右逢源法自然也此言地天道三者皆有自然之妙學者當法之也

重爲輕根章第二十六

重爲輕根靜爲躁君是以君子終日行不離輻重雖有榮觀燕處超然奈何萬乘之主而以身輕天下輕則失臣躁則失君

此章言身心妄動而生輕躁使人以重輕綴其情也內重者則無狂妄之輕心靜者則無忿戾之躁故知輕以重為本動以靜為君也古者吉行乘車師行乘兵車皆輕車也後有重車以載寢食服御之物謂之輜重也而輜重終日行不與重車相離者輕以重為本也雖然宴樂於榮觀之勝境此心超然如燕居無事之時不為宴樂遊觀以累其心者動以靜為君也萬乘之主豈可妄動其身心乎身妄動向失之輕身猶臣故曰輕則失臣也心妄動則失之重心猶君天君內擾失靜之全故曰躁則失君也

善行無敵章第二十七

道藏輯要

道德上經釋辭

毛

心集九

善行無敵述善言無瑕謫善計不用籌策善閉無關鍵而不可開善結無繩約而不可解是以聖人常善救人故無棄人常善救物故無棄物是謂聰明故善人不善人之師不善人善人之資不貴其師不愛其資雖智大迷是謂要妙

行所當行雖行而無迹也中節之言雖言而無過也事至順應安用智術而計度也閉息內觀雖無關鍵其可開也陰陽妙合雖無繩約其可解也是以聖人隨材用人故無棄人因時制物故無棄物常存救人救物之心而念念相續是謂聰明善者其德可法是因其善而從其善故曰師不善者其行可戒其因其惡而知其為善故曰資如其見可師者而不知

貴見可資者而不知愛雖有過人之智迷惑之大也能從其師能取其資則為進修主要之術也

知其雄章第二十八

知其雄守其雌為天下谿為天下谿常德不離復歸於嬰兒知其白守其黑為天下式為天下式常德不忒復歸於無極知其榮守其辱為天下谷為天下谷常德乃足復歸於樸樸散則為器聖人用之則為官長故大制不割

知其雄守其雌者如勇力蓋世守之以柔弱也谿低下水歸於身心如嬰兒純一和氣常全也知其白守其黑者如聰明

道藏輯要

道德上經釋辭

毛

心集九

聖智守之以愚闇也式軌則也若愚若昧不銜不矜而為修身之軌則乃見吾之常德而不差忒復無心於無欲清和內足也知其榮守其辱者如富貴尊榮守之以卑辱也忘其富貴降志下心則其中寬大如谷之虛無物不容乃見吾之常德充足無虧忠信實實抱樸還純以復其初也木未斲曰樸斲削然後成器樸喻道器喻法大道廢有仁義刑政之意也聖人用之則為官長者蓋言用仁義刑政以濟民也以道治天下謂之大制也不割者言道與法不相離理事無礙之意也其意蓋謂器非木不成木非器無用聖人雖然用仁義刑政皆出於無心順事理之當然無為而無不為道體法用道

無法有言聖人以無心而治原情之意也

將欲取天下章第二十九

將欲取天下者吾見其不得已也天下神器不可爲也爲者敗之執者失之故物或行或隨或晦或吹或強或羸或載或隳是以聖人去甚去奢去泰

聖人之爲天下非取之也天下歸之不得已而後起應天順人撥亂反正以安生民也天下神器不可爲者蓋以天命有在然非智力所能爲也天下好安靜而惡煩亂歸仁義而叛殘暴自然之理也若天命未革神器未歸惟以智力而強爲其禍不旋踵而至故曰爲者敗之執者失之也故物之或行或藏

道藏輯要

道德上經釋辭

无

心集九

於前或隨於後或晦或吹而寒或強而大或羸而弱或載而安或隳而危言天下之事雖有前後溫寒強弱安危之不一而其自然之機當然之理其勢有所不可掩者然非智力之所能爲但循理之自然無爲無執順而應之以安其分可也竊嘗論之聖人之爲天下有可以取可以毋取可以取者謂得天下以治其民湯武是也可以毋取者謂佐其君以治其民契文王是也是以聖人未嘗不爲天下也惟去其過甚去其奢侈去其驕泰利天下之利而不私其利除天下之害而不要其功無事無爲萬民樂業四海慕德天下安甯然後可以安大寶守神器雖有爲猶無爲也若行一不義殺一

不辜雖得天下弗爲也聖人之爲天下也如此

以道佐人主章第三十

以道佐人主不以兵強天下其事好還師之所處荆棘生焉大兵之後必有凶年故善者果而已不敢以取強果而勿矜果而勿伐果而勿驕果而不得已果而勿強物壯則老是謂非道非道早已

變理陰陽振綱肅紀正人倫美風俗興禮樂明賞罰進賢遠奸去奢省費薄賦輕徭舉用廉吏使民衣食有餘常懷以靜定不戰爲策而民安國泰以道佐人主也不以兵強天下兵者凶器也不得已而用之懼夫屠毒生民故也蓋嗜殺人者

道藏輯要

道德上經釋辭

无

心集九

人亦殺之故曰其事好旋也師之所處民失耕耘而生荆棘大兵之後傷天地之和故有凶年理必然也果者剛決也或有弑君叛亂不得已以兵代天討之或有侵境擾民不得已以兵應之惟以剛毅之心決斷之也如湯放桀武王伐紂孔子誅少正卯兵萊夷之類以正撥亂天下響應此必勝之勢也善用兵者不敢恃眾爲強惟以剛毅慷慨之氣激厲士卒秉正誅邪扶剛植紀也討平之後不可以自矜其能自誇其功自驕其志爲懷之以不得已之心則無矜無伐無驕矣若恃其強爲國之固然非以道佐人主有勝必有敗盛必有衰勢之然也譬如物壯則老若恃其強是謂非道知其非道則

連已之故曰不道早已也此章言人臣當以道事君不可妄動干戈戕害生靈蓋師出妨民生業殺害以傷天和殺人者人恆殺之可喻反覆戒人深矣

夫佳兵者章第三十一

夫佳兵者不祥之器物或惡之故有道者不處君子居則貴左用兵則貴右兵者不祥之器非君子之器不得已而用之恬淡爲上勝而不美而美之者是樂殺人夫樂殺人者不可得志於天下矣吉事尚左凶事尚右偏將軍處左上將軍處右言以喪禮處之殺人之眾以悲哀泣之戰勝以喪禮處之

有節制之兵謂之佳兵蓋其以殺人爲事故曰不祥之器言

道藏輯要

道德上經釋辭

至

心集九

此不祥之器人所惡之故有道者不爲也君子居則以左爲貴用兵則尚右何也蓋其以殺人爲事故以喪禮處之右也兵者用以殺人非君子之所樂爲不得已而用之恬淡爲上恬淡者靜定無事之謂也間有不得已而用之者常懷靜定之心則無戾矣以不戰爲上策重民命也以戰勝爲不美懼夫殺人之多也若以戰勝爲美是樂殺人矣蓋嗜殺人者人亦殺之豈能得志於天下吉事尚左凶事尚右偏將軍之爵本在上將軍之下而反居其左何也古人立法蓋謂用兵爲凶事故以喪禮處之也幸而戰勝以其殺人之多故以居喪之禮而處之悲哀而泣之傷其死之眾也

道常無名章第三十二

道常無名樸雖小天下不敢臣侯王若能守萬物將自賓天地相合以降甘露民莫之令而自均始制有名名亦既有夫亦將知止知止所以不殆譬道之在天下猶川谷之於江海也

道者虛無自然妙絕難思亘古今而不變謂之常也以其無形不可得而名之故曰無名也樸喻道小謂微也言此道微妙至高至貴天下莫不尊之故曰不敢臣也若侯王得此理以守其國則天下之民自然賓服從其化也天地相合陰陽和也有道者心心和則氣和氣和則人和而天地之和亦應之矣以和感和天降甘露國之祥瑞和之徵也而天下之

道藏輯要

道德上經釋辭

至

心集九

民隨情感化不待教令自然均平也天下和平始制法度示之以向善去惡之方使之有所禁止而不敢妄爲也知其所以止則無殆無危以安其分遂其生也夫道之在天下也無物不有無所不在如川谷之水必歸於海謂天下之理其必歸於道之意也蓋海者眾水之會也道者眾理之會也

知人者智章第三十三

知人者智自知者明勝人者有力自勝者強知足者富強行者有志不失其所守者久死而不亡者壽
明公私之邪正辨善惡之是非謂之知人者智以根塵爲幻假以虛靈爲根本不被物累不爲情牽謂之自知者明以血

氣之勇而勝人爲有力以克去己私而復性爲自強知足者
澹然無欲而無所不足心有餘裕故曰富強行者剛健不息
力行其道故曰有志造次須臾而弗離安心於虛退本還元
與道同其久故曰不失其所守者久朝聞道夕死可矣身沒
而道存死而不亡者壽

大道汎兮章第三十四

大道汎兮其可左右萬物恃之以生而不辭功成不名有愛養
萬物而不爲主常無欲可名於小萬物歸之而不爲主可名於
大是以聖人終不爲大故能成其大

汎者充滿流行之謂大道浩然充足周流於天地萬物之中

道藏輯要

道德上經釋義

卷九

心集九

運行不息恍然在左惚在右而無定形無定名也萬物賴之
以生大道何嘗辭其勞萬物賴之以成大道不自名其功萬
物賴之以養大道不自爲之主是以聖人法大道無爲之妙
無欲無私謙卑柔弱可名於小言民不能見其大也及其化
成天下萬物歸之聖人不以自爲尊然後始知聖人通與天
通而民始尊之可名於大也愛之養之歸之大之以任其自
然聖人何嘗容心爲之主無心於民而民歸之無心於大而
民大之一切出之於無心以任其自至雖有濟世之德澤民
之功皆吾性分中之所當爲豈可有心而爲之哉惟謙德之
不足無欲無私無爲無執以順其自然而能功成事遂天下

化行此聖人終不爲大故能成其大之義也

執大象章第三十五

執大象天下往往而不害安平泰樂與

各止道之出口淡

乎其無味視之不足見聽之不足聞用

可既

大象無象視聽不得言其虛也蓋言

心應物無所往而

不利故能通天下之幾微而無所不當實則不害於理故無

所不安無所不平無所不泰也樂與餌聲味俱美雖足以快

其心爽其口然皆外物也以其根塵幻假如過客止於逆旅

暫寄而已喻其不能久也道之出口雖然淡乎無味無色可

見無聲可聞用之則無盡也迷人運筆至此而有感焉慨而

道藏輯要

道德上經釋義

卷九

心集九

言曰道之出口淡乎無味視不見聽不聞擴充而用之神妙
無方變化倏忽可以包天地而括三才可以貫金石而入水
火可以嘯命風雷可以鞭龍作雨可以咒水草而驅邪愈疾
可以辟粒食而住世延年修之於內則聚靈寶超凡入聖
用之於外則調理陰陽濟人利物立神羽化其用何窮得之
者或不以鄙言爲妄也否則大笑之奈何愚人嗜色味以快
其心美其口如過客暫寄於逆旅何其小也何不遊心於大
象造乎混沌鴻濛之墟超然無外作天地間一大丈夫磊磊
落落散漭無拘豈不大快其身心也哉學者試於正心靜默
之中以求之綿綿密密以用之而無間斷力以工純自然

開混沌探蹟太虛則大象可執鴻濛可造矣

將欲歛之章第三十六

將欲歛之必固張之將欲弱之必固強之將欲廢之必固興之將欲奪之必固與之是謂微明柔弱者勝剛強魚不可脫於淵國之利器不可以示人

見其固張便知將歛見其示強便知其弱見其固興便知將廢見其固與便知將奪此兵法虛實之理權謀詭詐之術也其機雖隱微而其理亦甚明故曰是謂微明也柔弱者無爭雖有強暴莫能加之故曰柔弱者勝剛強也夫魚不可脫於淵出於陸則死利器不可以示人墮其機則敗利器者謂權謀

道藏輯要

道德上經釋辭

卷

心集九

智力之術以勝人也懷勝人之心者則人亦懷勝心以應之其必敗故曰利器不可以示人也此言人以智謀求勝而天下之智謀者眾矣其或測其機以應之則有必敗之患也是故任智謀而背道如魚之脫水則死利器示人則敗也若以道而示人人亦以道而應之我以柔弱而不爭雖有剛強亦不能加之於我如魚之不離水不以利器示人也先儒謂權謀狙詐之學皆原於此蘇張申韓皆其流此言誤矣豈不知老子之道以仁義聖智而猶病之權詐肯為乎其不待辯亦已明矣如言柔弱者勝剛強利器不可以示人者極言不可用之意然此經辭義含蓄多喻豐之言學者切不可辭害

意而作真寶之語則有堅白異同之差矣

道常無為章第三十七

道常無為而無不為侯王若能守萬物將自化而欲作吾將鎮之以無名之樸無名之樸亦將不欲不欲以靜天下將自正道法自然故常無為無為者道之常也或曰然則春生秋殺豈非為乎曰物之生也時至氣聚不得不生物之死也時至氣散不得不死皆自然而然大道何常為之有或問聖人之無為曰無為者無心為而為也程明道云順理即無為然非塊然不接人事如土木偶人召之不來麾之不去拱拳踴躍為無為哉殊不知聖人之心如明鏡止水物至則照物去則

道藏輯要

道德上經釋辭

卷

心集九

空事物之來一切循乎自然順其理而應之以輔萬物之自然雖有為猶無為故曰無為而無不為也侯王若能法而守之無欲以養心順理以應事因時制宜不逆民物久而勿失天下臣民自然感化故曰萬物將自化也間或有妄心起情欲生直以理而治之使則復靜靜則妄盡心空自然無欲無欲則無事矣無事無為而民自安國自治天下自正矣

道德經釋辭

上德不德章第三十八

上德不德是以有德下德不失德是以無德上德無爲而無以爲下德爲之而有以爲上仁爲之而無以爲上義爲之而有以爲上禮爲之而莫之應則損損而仍之故失道而後德失德而後仁失仁而後義失義而後禮夫禮者忠信之薄而亂之首前識者道之華而愚之始是以大丈夫處其厚不處其薄居其實不居其華故去彼取此

上德無爲有德而不知其德其德化矣是以有德下德爲之執德而不失其德有而未化是以無德上德無爲而無以爲

道德經釋辭

道德經釋辭

卷

心集九

者無心於德之謂也下德爲之而有以爲者有心於德之謂也仁者雖然有爲而其愛物之心渾然與物同體與道玄符爲之而無以爲德之上也義者制事之宜爲其存心於分別爲之而有以爲德之下也禮者德之序也用以嘉會而人或不知之從則損損而損之以其作爲太甚則爲德之愈下也由是知之道者自然也德者無爲而無以爲也仁者爲之而無以爲也義者爲之而有以爲也禮者作爲太甚故曰失道而後德失德而後仁失仁而後義失義而後禮如莊子所謂德下衰之意老子傷世語也竊知上古之世其民淳其俗樸渾然忠信雖不主於仁義而仁義潛於其中當是時也民無

道德經釋辭

道德經釋辭

卷

心集九

昔之得一章第三十九

恒安有仁也民無相棄安有義也民無相犯安有禮也及其後也離淳喪樸忠信日薄禮之所由生矣是以聖人因民之忠信日薄上下無序無序則亂故制禮以救之故曰忠信之薄而亂之首蓋其因時制宜此作禮之由也老子言實乘絕仁義禮法哉先儒以文害意以爲禮者忠信之薄而亂之首誦謗至人蓋亦誤矣然他亦未嘗仔細看來前識者未萌先兆智也審權變明是非浮妄無實故曰道之華因民之愚而有故曰愚之始是以大丈夫常無爲而不妄爲處其厚不處其薄也常正念而不妄知居其實不居其華也去彼作爲之諸妄取此無爲之一真故云去彼取此

昔之得一者天得一以清地得一以寧神得一以靈谷得一以盈物得一以生侯王得一以爲天下貞其致之一也天無以清將恐裂地無以寧將恐發神無以靈將恐散谷無以盈將恐竭萬物無以生將恐滅侯王無以爲貞將恐廢故貴以賤爲本高以下爲基是以侯王自稱孤寡不穀此其以賤爲本耶非乎故數車無車不欲碌碌如玉珞珞如石

一者虛而靈寂而神無而有散之一切處斂之在方寸恆在目前而人莫識此眾生之本源萬法之主也故天虛明而清地虛靜而寧神虛無而靈谷虛空而盈萬物虛通而生侯王

虛心以爲天下貞萬殊一本也天下虛明而清將恐毀而裂矣地不虛靜而甯將恐動而發矣神不虛無而靈將恐息而歇矣谷不虛空而盈將恐盡而竭矣萬物不虛通而生將恐消而滅矣侯王不虛心謙下而自高自貴將恐顛而壓矣聖人知賤爲貴之本下爲高之基故謙虛低下退遜不爭而天下推尊之此聖人之貴高也是以侯王自稱孤寡不穀者貴以賤爲本高以下爲基也非乎謂不然也言貴以賤爲本高以下爲基者謂之德不謂之道也夫道無貴賤無高下若以貴賤高下而分別之者非也豈不知數車無車乎車者總名也如輹如輪如輻如軸如輻如輹而名之則車之名滅矣

道藏輯要

道德下經釋辭

元

心集九

其意以車爲道數車爲德爲仁爲義爲禮爲智爲信運而名之昭昭於心目之間德成而道隱矣殊不知道者德之體德者道之用也是以至人恐人貴道而賤德故曰不欲其琬琰然如圭之貴不欲其琬琰然如石之賤則一定之名不可易也一定不易則不化是以聖人不欲之

反者道之動章第四十

反者道之動弱者道之用天下萬物生於有有生於無

天地萬物無有不先反其無而復有也譬如復卦一陽之動必先反純靜之坤靜極而變出靜而動靜爲動之基故曰反者道之動也學者若知反虛復靜爲動之基則弱志虛心而

正一天師清微弟子洪百堅製作

道教學術資訊網

爲道之用也夫志弱則心虛虛極則靜而反其本此復性之要故曰弱者道之用也有天地然後有萬物天下萬物皆天地所生故曰天下萬物生於有也然而天地又安從生蓋其自無而有故曰有生於無也反靜復動者虛化神神化氣氣化形自無而有生人生物道之動也弱志虛心者精化氣氣化神神化虛自有之無返本還元道之用也

上士問道章第四十一

上士問道勤而行之中士問道若存若亡下士問道大笑之不足笑不足以爲道故建言有之明道若昧夷道若類進道若退上德若谷大白若辱廣德若不足建德若偷質直若渝大方無隅

道藏輯要

道德下經釋辭

早

心集九

大器晚成大音聲希大象無形道隱無名夫惟道善貸且成上士問道心領神會釋然無疑勤而行之也中人之資可上可下操之則存舍之則亡故若信若疑也惟下愚之人昏蔽偏執其智不足以知道其心不足以明理道難塗說誤求盲師以迷指迷或執旁門小術或落頑空或流房中一言半句謂之口訣雖聖人以大道曉之其亦不信者下愚鈍根遮障深厚不能明了且以先入之言而爲之蠱是以信不足也非惟不信而及誑謗大笑之惟其笑方見吾道如虛空而難及也此輩正如盲人騎瞎馬豈知秦越道路之適乎經云夏虫不可以語冰蓋其未見之也井蛙不可以語天其所見者小

也建言有之者自古立言之士有此數語也明道若昧者
內明外間默如愚也夷道若類者有教無類不分別也進道
若退者抱樸守柔若退情也上德若谷者器量寬洪能容納
也太白若辱者修內忘外墮肢體也廣德若不足者有而為
無實而為虛也建德若偷者潛修密行恐竊知也質直若淪
者忘世斷緣不近人情也大方無隅者理事圓融無稜角也
太器晚成者惟知明道不計其功也大音聲希者本不容言
言必該眾也大象無形者豁然忘見乎塵也道隱無名
者被褐懷玉其顯乎微也以上皆上士所行下士所笑也貸
者與也舍已從人之意言上士器識不凡善假方便能與人

道藏輯要

道德下經釋解

至

心集九

而不自與也故知能成人者未有不能自成也故云善貸且
成

道生一章第四十二

道生一一生二生三三生萬物萬物負陰而抱陽沖氣以為
和人之所惡惟孤寡不穀而王公以為稱故物或損之而益或
益之而損人之所教亦我義教之強梁者不得其死吾將以為
教父

虛無自然而生一氣道生一也一氣之中而分陰陽輕清者
運而為天重濁者凝而為地一生二也輕清氣也重濁形也
清濁混形氣合者為人二生三也天主施化地主長成人主

蓄養萬物賴此三者以成三生萬物也物之生也負陰而抱
陽氣者為陽得之於天也形者為陰得之於地也然物之生
皆背陰而陽陰陽相含沖氣和也萬物得此沖和之氣以遂
其生道之常也然人之情喜榮而惡辱尊貴而鄙賤孤寡不
穀者乃不美之名人之所惡而王公自稱之者損為益之基
也是以至人教人損於外以益其內故曰損而益之也若恃
貴而務益於外者其必損乎內故曰益而損之也人之教人
無非欲其為善去惡與我同柔弱去剛強之義同故曰亦我
義教之也觀彼強梁之人任權勢尚詐力適以招禍必不得
其善終故聖人憫之發以教人故曰吾將以為教父也

道藏輯要

道德下經釋解

至

心集九

天下之至柔章第四十三

天下之至柔馳騁天下之至堅無有入於無間吾以是知無為
之有益也不言之教無為之益天下希及之

水至柔也而能摧山陵之至強氣至柔也而能入金石之至
堅無有者無形之有謂之妙有也無間者如無隙之謂也物
之至微莫若微塵尙不能入無隙之間惟無有之妙雖天地
之大包之而有餘秋毫之末貫之有餘地金石之堅入之而
無礙也不言者非無言也迫而後應不得已而後言又何言
之有也無為者無心於為而無不為之義雖若有為猶無為
也吾以是知無為之道誠有補於心矣然而不言之教無為

之益本無可說順理自然其道如是之簡而人鮮及之者滯於言而爲之也若以必言而後明必爲而始就其所爲亦甚勞所及亦甚寡蓋其不知無言無爲之妙所以學者罕而成者寡也

名與身章第四十四

名與身孰親貨與身孰多得與亡孰病是故甚愛必大費多藏必厚亡知足不辱知止不殆可以長久

名貨外物也得之何忻失之何戚達斯理者得失在物不在已也溺於名利者不得則大費心力以求之是所求者輕而所失者重愛小喪大求於末棄其本也利者禍之媒多藏者

道藏輯要

道德下經釋辭

聖

心集九

禍必大亡必厚也惟知足者識名利如幻惑不貪不戀以聽其自然知足常足何辱之有也知止者止其所當止不僨不貳而安於其分知止則止何殆之有也如是則不被外物所誘得失所病此身可長久也竊嘗論之曰名者坑人之陷非利者喪人之斧斤名利有分非能強求而人苦不知以功名憂苦其身心以貨財焦勞其形體何其愚也不知名利爲何物身爲何物也名利外物至小也身者天之與我至大也以至大徇至小是不重其所重而惑其所輕棄其本逐其末也嗚呼名之與身孰親貨之與身孰多得之與亡孰病一息不來名分利分於我何有且甚愛必大費多藏必厚亡則甚愛

者有時而盡其多藏者亦有時而亡其名利者亦不能常於我有故知名不必戀利不必貪從可知矣惟知足者識功名爲德來貨財爲外物而不貪不戀知足常足而無所不足知止則止而安其所止則無辱無危以全天之與我者安乎自然圓養天真保合太和則性可以盡命可以至身可以長久以盡天之與我者而無愧矣

大成若缺章第四十五

大成若缺其用不敝大盈若沖其用不窮大直若屈大巧若拙大辯若訥躁勝寒靜勝熱清靜爲天下正

道藏輯要

道德下經釋辭

聖

心集九

大常若不足其用日新何敝之有也雖盈若虛之未滿則謙光之德不可限如無若虛其用不竭何窮之有也屈已以從人而人信之不求直而自直直莫大矣巧人而拙已則天下之巧者皆我之用巧莫大矣訥於言而敏於行則天下口辯者莫能與我爭辯莫大矣躁極勝寒靜極勝熱理必然也故有退之士心無邪妄動靜一如超然出於靜躁寒熱之外故云清靜爲天下正也

天下有道章第四十六

天下有道卻走馬以糞天下無道戎馬生於郊罪莫大於可欲禍莫大於不知足咎莫大於欲得故知足之足常足

天下有道以戰馬糞地思兵業農也天下無道興戎於郊外
征伐擄民也蓋山貪欲而動起釁生端以致殘害民命罪莫
大也不知止足黷武窮兵以致身危國削禍莫大也必於欲
得暴兵逞強殺人不顧咎莫大也惟知足者常足保境安民
以安其分罪滅禍消而無咎矣以修鍊言之天下有道反情
復性無欲無爲御走馬以冀意馬安閑靈根發秀天下無道
縱情昧性念慮不休戎馬生於郊意馬馳騁性地荒蕪欲妄
不止罪莫大也貪著不了禍莫大也有而不忘咎莫大也惟
知止足則志有定向而心自靜心靜念止念止意安意安氣
聚氣聚神凝二物均平丹道成矣

道藏輯要

道德下經釋辭

聖

心集九

不出戶章第四十七

不出戶知天下不窺牖見天道其出彌遠其知彌少是以聖人
不行而至不見而名不爲而成

天下雖大人情物理一而已矣雖不出戶以理推之從可知
矣天道雖陰陽變化今古常然雖不窺牖以理測之亦可
見矣若以必至而後知必見而後明足跡所至其知幾何目
力所及其見幾何用力愈勞而心愈昏愈求而愈不得故曰
其出彌遠其知彌少也由是知之聖人知不在見名不在色
爲不在事得之於心見之於理一切順乎自然則無不明無
不知故不行而自至不見而自名無爲而自成也承人務求

於知見足跡所至而不多目力所及而不廣故知見者少也

爲學日益章第四十八

爲學日益爲道日損損之又損以至於無爲無爲而無不爲取
天下常以無事有事不足以取天下

爲學者常恐學業之不精孜孜求益故曰爲學日益也爲道
者常恐情妄之不去汲汲遺欲故曰爲道日損也學者誠能
去識去知則宿習漸消業火漸滅妄心漸斷幻緣漸空以至
於內外兩忘動靜恆定修無所修損無所損萬緣頓息人欲
盡消故曰損之又損以致於無爲也竊嘗思之人豈無爲哉
但無妄爲耳是故聖人所謂無爲者無心於爲而爲之謂也

道藏輯要

道德下經釋辭

聖

心集九

故知聖人之爲時行則行時止則止以補萬物之自然來于
我者順以應之即到解脫之場入無爲之域也取天下常以
無事有事不足以取天下者然天下之情好安靜而惡煩亂
歸仁義而叛殘暴無事則民安天下歸之多事則民煩天下
叛之此人君南面之術無爲之道也

天下無常心章第四十九

聖人無常心以百姓之心爲心吾善吾善之不善吾亦善之
得善矣信者吾信之不信者吾亦信之得信矣聖人之在天下
樸樸爲天下渾其心百姓皆注其耳目聖人皆孩之

聖人無常心者隨俗而治不 民情以百姓之心爲心惟不

失其正也善者吾善之同其善也不善者吾亦以善而接之使之反則善常不失故曰得善也信者吾信之同其信也不信者吾亦以信而待之使人反信則信常不失故曰得信也竊知聖人之在天下慄慄然亦甚切矣視天下之人爲一人以天下之心爲一心而無所分別故曰渾其心也而天下之人服聖人之化皆注其耳目而觀聖人威儀可範言語可法仰之如天地信之如神明親之如父母也而聖人視其民也誠恐傷之故保之如赤子愛之如嬰孩也

出生入死章第五十

出生入死生之徒十有三死之徒十有三民之生動之死地亦十有三夫何故以其生之厚蓋聞善攝生者陸行不遇兕虎入軍不被甲兵兕無所投其角虎無所措其爪兵無所容其刃夫何故以其無死地

道藏輯要

道德下經釋辭

聖

心集九

心清意靜生之門也心荒意亂死之戶也出入於生死之中者元神也心本無心感物而有元神化爲識神矣然人有此識神生出那許多七情六欲而煩惱憂苦所以流浪生死也由是知之人之所以有死者皆七情六欲十有三也生之徒十有三者望情絕欲情欲泯則金來歸性魂魄抱一水火相濟生之徒也死之徒十有三者縱情生欲情欲熾則性隨情轉魂魄相離水火相違死之徒也故知人之生動之死

地皆情欲致然也夫何故而其然乎爲其貪生太厚情欲不止故也然人之情欲莫大於貪生不有其生者則死乎無有矣故貪生爲人之大妄蓋聞善攝生者無思無慮不識不知神不離根抱元人妙全其真也由是知之元妙神真天之與我本無思本無慮本無知本無識本無生本無死也學者一朝頓悟我本不生又焉有死能弘無生之心又何死之有也吁人能參透這箇生死門頭自然現出本來妙相圓陀陀赤灑灑無障無礙無憂無懼則陸行不遇虎兕入軍不被甲兵兕無所投其角虎無所措其爪兵無所容其刃也夫何故而其然乎蓋其知得幻形虛假生死本無故無憂無懼以其無死地雖有兕虎兵刃亦不能傷害於我

道藏輯要

道德下經釋辭

聖

心集九

道生之章第五十一

道生之德畜之物形之勢成之是以萬物莫不尊道而貴德道之尊德之貴夫莫之命而常自然故道生之畜之長之育之成之熟之養之覆之生而不有爲而不恃長而不宰是爲玄德天地萬物自無而生道本無故曰道生之生而爲有道氣流行者見於外而爲德故曰德畜之成而爲物物有形故曰物形之物之生剛柔相摩積勢而成故曰勢成之觀夫物之生成皆道生德蓄是以天下莫不尊道而貴德道之尊德之貴莫之爲而爲莫之致而致者自然而然理之常也故物生之

蓄之長之育之成之熟之養之覆之普斯皆道之妙用周流於天地萬物之中而相為終始也故知此道能生萬物不自以為有能成萬物不恃以為功能為萬物主不自以為大造化生物之德自然之妙於茲見矣

天下有始章第五十一

天下有始以為天下母既知其母以知其子既知其子復歸其母沒身不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂襲常天下有始始初無物道本無也故知物乃道之子道乃物之母也既知得物乃道之所生而人亦物物則道也人既與道

道藏輯要

道德下經釋辭

契

心集九

為一應當滅情還空復歸其始而還於道雖終身應世理事圓融何往而非道哉又何危殆之有也塞其兌閉其門者天君內定精氣自還綿綿密密以行之優游安閑以養之閑時得收便收急處要用便用則終身用之而不勞也開其兌濟其事者隨境散亂運物不反孜孜汲汲而求之紛紛紜紜以擾之靜則念慮千般動則貪求百種終身役役而不返矣小者微也言此理至微人所難知察其精微則物不能為我蔽故明也退怯守柔則物不能為我蔽故強也光者明之發物至則照用其光也過則捨之光復歸其明矣知放知求又何殃咎之有也光明相續子母互用謂之德也

使我介然章第五十三

使我介然有所知行於大道惟施是畏大道甚夷而民好徑朝甚除田甚蕪倉甚虛服文彩帶利劍厭飲食財貨自傷是謂盜奪非道也哉

使我得位行志則介然自守躬行大道南面稱孤以治其國也然治國教民必自我始我無為無事而民自正自化也施行之際常存戒慎惕勵之心而謹畏之竊恐萬民之失業百司之不職賞罰之不明黜陟之不公也政甚平易豈是難行但人溺欲自私以臺榭是務聲色是好口體是重好從邪徑而棄大道也營宮室而高臺榭則百姓服役田地荒蕪倉庫

道藏輯要

道德下經釋辭

辛

心集九

所以虛矣華其衣佩其寶嗜美味蓄財厚斂於民民財是以罄矣此皆盜賊所為而強奪其力斂其財是實民之怨也民力困而國不治謂之非道也哉老子當周室將衰之季嫉時王之不道不得位以行志故發此傷之孔子曰如有用我者吾其為東周乎聖人救世之心一也

善建章第五十四

善建者不拔善抱者不脫子孫祭祀不輟修之於身其德乃真修之於家其德有餘修之於鄉其德乃長修之於國其德乃豐修之於天下其德乃普故以身觀身以家觀家以鄉觀鄉以國觀國以天下觀天下吾何以知天下之然哉以此

建立事功者其業不拔如舜禹是也慎道德者其澤長存如
周孔是也而其功足以成天下之大事而其德足以爲天下
之大經則國有常典報德報功爵祿其子孫而奉祀之示不
忘也修身齊家和鄉治國平天下之法有道存焉或問此道
曰道一而已矣一者至當也以此道修身而身修其德真實
以此道而齊家家有餘慶以此道而和鄉其德長久以此道
而治國其德豐厚以此道而平天下其德普遍是故以我修
身之術觀人之身修不修也以我齊家之法觀人之家齊不
齊也以我治國之志觀人之鄉和不也以我治國之道觀
人之國治不治也以我平天下之心觀天下人之心同不同
也吾何足以知天下事理之當然者但以此道一以貫之故
吾不中也

道藏輯要

道德下經釋辭

至

心集九

含德之厚章第五十五

含德之厚比如赤子毒蟲不螫猛獸不據攫鳥不搏骨弱筋柔
而握固未知牝牡之合而峻作精之至也終日號而嗷不嗔和
之至也知和曰常知常曰明益生曰不祥使氣曰強物壯則老
是謂不道不道早已

有德之士其德渾厚其心純一故比之如赤子也赤子未有
知識爲其無害物之心雖有蠆尾之毒蟲不能螫也雖有瓜
拏之猛獸不能據也雖有距擊之攫鳥不能搏也是故不害

物者物亦不能害之矣觀夫赤子之骨尚弱筋尚柔無執而
居固無欲而峻作者精主盛也雖作無欲故能全其精號之
終日而嗷不嗔者氣至和也雖號無妄故能全其氣和者神
集氣凝生理之常也知其常而理自明其若貪欲以益其生
者妄心也妄必生殃故曰不祥意住神住神住氣凝自然而
然不關做作其若用心搬運妄動以暴其氣謂之強也是故
無生無強赤子之心也益生使氣則失赤子之純一強作傷
和殃必及之也血氣既盛但無思無慮無作無爲以養其和
者安其常也如若縱心妄作以助其長如物盛必衰壯必老
也若此謂之非道也哉學者若知其非則連已之妄其常以
養其和則無殃暴之咎矣

道藏輯要

道德下經釋辭

至

心集九

知者不言章第五十六

知者不言言者不知塞其兌閉其門挫其銳解其紛和其光同
其塵是謂玄同不可得而親不可得而疎不可得而利不可得
而害不可得而貴不可得而賤故爲天下貴

知者非不言蓋道不能以言盡也若太上之守中南郭子綦
之隱几顏子之愚是知者不言也若王衍之清談公孫龍之
辯儀秦之佞是言者不知也塞其兌不容言也閉其門不容
思也見其銳便挫之也見其紛便解之也與眾光相和兼人
之善也與眾塵相同同人之德也自然與道玄同安事乎哉

浩重樓而出以泄其和以喪其與哉觀夫日用之間動靜語默周知百為自然之機莫不與道玄同同者不期同而同無所同而無所不同謂之玄同也玄同無所不同故無親無疎無利無害無貴無賤雖欲親之不可得也雖欲疎之不可得也雖欲利之不可得也雖欲害之不可得也雖欲貴之不可得也雖欲賤之不可得也惟不可得而親疎不可得而利害不可得而貴賤者則得玄同之妙故為天下貴借使得而得之則不得謂之妙其亦不足貴也

以正治國章第五十七

以正治國以奇用兵以無事取天下吾何以知天下之然哉以道藏輯要

道德下經釋辭

心集九

此天下多忌諱而民彌貪人多利器國家滋昏人多伎巧奇物滋起法令滋彰盜賊多有故聖人云我無為而民自化我好靜而民自正我無事而民自富我無欲而民自樸

以正治國順理而已以奇用兵從權變也以無事取天下無事無為則民安故得天下之心也政煩多事則民亂故失天下之心也吾何足以知其治國用兵取天下之道哉但無私無欲以順其自然而已若以多事避諱而禁忌則民心不甯荒其治生而民愈貧也利器者用以勝人之技耳懷勝人之心者人亦懷勝心以應之禍亂故滋生也好技巧而尚機事則人挾智術而競進奇物故滋多也嚴法令以禦盜賊則賊

盜逞其忿以擾民故賊盜愈多也數者有心求治而國愈亂有意安民而民彌貧蓋其不知政務召亂之由故也是以聖人守正以治其國無事以治其民則民安其常樂其業故無禁忌無異心無機事無竊謀天下為得不平故是以聖人云我無為而民自化也我好靜而民自正也我無事而民自富也我無欲而民自樸也此引古語以釋上文無事取天下之意

其政悶悶章第五十八

其政悶悶其民醺醺其政察察其民缺缺禍兮福所倚福兮禍所伏孰知其極其無政邪正復為奇善復為妖人之所迷其曰道藏輯要

道德下經釋辭

心集九

國久是以聖人方而不割廉而不剝直而不肆光而不耀其政寬裕無事無為則民淳而易治其政煩瑣任智盡法則民缺缺然無措矣禍福互相倚伏莫知其極而人可不謹歟凡在患難之中若能悔過省躬戒慎恐懼邪自化為正妖必化為祥轉禍為福所謂禍兮福所倚也凡在得意之中其若驕泰奢侈縱欲不反正必化為邪善自化為惡禍患隨至所謂福兮禍所伏也吁正則致祥不正則招殃故知治國治心若不可以不正也可不戒哉然人之迷惑失正固非一日其所由來者漸而人若不知是以聖人防微慮漸畏民之溺也故方正其身邪者不傷之而自正清廉其德貪者不懲之而

自廉公直其心佞者不肆之而自直韜光抱璞使人莫能見其美

治人事天章第五十九

治人事天莫若嗇夫惟嗇是謂早服早服謂之重積德重積德則無不克無不克則莫知其極莫知其極可以有國有國之母可以長久是謂深根固蒂長生久視之道

治家不輕費財物以節其用治人之道得矣治身不輕耗神氣以養其性事天之道得矣嗇者儉嗇之意善治身者無所不嗇口不妄視以嗇其神耳不妄聽以嗇其精口不妄言以嗇其氣心不妄思以嗇其真身不妄動以嗇其形而無所不嗇

道藏輯要

道德下經釋義

卷九 心集九

嗇夫惟嗇則能內安其心外閉其邪故神得返心心合於空空無所空以復其元初嗇之力也服即復也早服者言其及時而復若待神氣虧損則不得謂之早復矣重積德者言人之身未有所損而又嗇養之豈非重積德乎及其用力之久積之自厚故足勝私欲而無所不克也私欲克盡性天湛澄可以治人可以事天自然與道玄合莫之爲而常自然則終身用之有無極之樂也知其極樂則造化在我道妙由心故足以爲安身立命之所矣這箇安身立命之所若人得之起凡入聖爲不難矣是謂深根固蒂長生久視之道

治大國章第六十

道德經釋義

治大國若烹小鮮以道莅天下其鬼不神非其鬼不神其神不傷人非其神不傷人聖人亦不傷人夫兩不相傷故德交歸焉

小鮮小魚也治大國者若烹小魚慎之不敢輕撓撓則糜爛隨之此言政煩召亂之喻昔者聖人之治大國虛明以養其心儉約以奉其身清慎以堅其志安靜以治其國以道莅天下其鬼不神蓋以聖人在位鬼神不敢見精神以犯人者非其鬼不神邪不能勝正耳故知鬼神不敢干犯於人者蓋其畏正人君子之道德也聖人不忍傷其民者視民猶子也間有愚民蹈之不善聖人不因其惡而遽刑之仍以善而救之以恩而撫之使之反善也噫聖人不傷民而鬼神化其德盛矣鬼神之不傷人其德亦盛矣夫兩不相傷皆賴聖人振好生之德惻隱之仁故天下以其功歸於聖人聖人不自以爲功實之於鬼神故曰其德交歸焉

道藏輯要

道德下經釋義

卷九 心集九

大國下流章第六十一

大國下流天下之交天下之牝牝常以靜勝牡以靜爲下故大國以下小國則取小國小國以下大國則取大國或下以取或下而取大國不過欲兼畜人小國不過欲入事人夫兩者各得其所欲故大宜居下

治大國者如江海之處下流容納百川之水也大國之君謙虛善下則近悅遠來天下歸之如水赴海而交會也牝之能

勝壯者靜能制動之意也以靜爲下者言治國尙安靜之意也
也大國之君能謙能下安靜仁慈以撫小國小國懷德而歸
之此大國以取小國之術也小國之君能謙能下安靜承順
以事大國大國慈仁以撫之此小國而取大國之術也或下
以取者大國以取小國之貢也或下而取者小國而取大國
之心也大國之欲不過兼併小國以助其勢大小國之欲不
過承奉大國以求其自安故知大國小國皆以謙虛安靜之
術以遂其所欲也治大國者不自高自大而驕盈惟以謙虛
安靜而爲策則得天下之心國自治民自安故曰大宜居下
也

道藏輯要

道德下經釋辭

卷

心集九
XIII

道者萬物之與章第六十二

道者萬物之與善人之寶不善人之所保美言可以市尊行可
以加人人之不善何棄之有故立天子置三公雖有拱璧以先
駟馬不如坐進此道古之所以貴此道者不曰求自得者罪以
免耶故爲天下貴

道者本然之妙名狀難形堅實無際橫亘無邊其能包囊天
地故曰萬物與也善者得之而爲修身之至寶不善者雖被
物欲所賊其亦賴之以保其生也善人之言眾所知也善人
之行眾所尊也人之不善物欲惑之也迷惑之者必以聖人
之嘉言善行而開導之使之反善何可棄也故立天子置三

公者將以教化其民使不善者明其心復其性反其善也天
子三公雖有拱璧之寶駟馬之乘聖人猶不足貴惟進修此
道爲至貴也古之人所以貴此道者不曰孜孜而爲已惟以
汲汲而教民從其善進乎道也間有愚民陷之不善則一人
有罪我陷之也不過刑之哀而免之以俟其改過遷善而主
於道故爲天下貴也

爲無爲章第六十三

爲無爲事無事味無味大小多少報怨以德固難於其易爲大
於其細天下難事必作於易天下大事必作於細是以聖人終
不爲大故能成其大輕諾者必寡信多易必多難是以聖人猶
難之故終無難

道德下經釋辭

卷

心集九
XIII

聖人以無爲爲爲自然之當爲以無事爲事爲天下之正
事以無味爲味恬澹之道味大小多少聖人一而視之無
分別也無恩無怨何報何施惟德而已矣固難於其易爲大
於其細者言天下之事從微至著積小成太必識其始而慮
其終若待滋蔓則難圖也然而天下之難必起於易天下之
大必作於小是以聖人小心翼翼以俟終日終不爲大故能
成其大也然天下之事豈能豫必之哉故君子慎其言而不
敢輕發者惟恐不能踐其言若輕諾者必寡信也夫奕小技
也不專心致志而猶不得其精況天下難事大事乎若易爲

者必多難也語曰古者言之不出恥躬之不逮是也言不妄
發信不欺也易若為難恐無成也惟其難之故終無難也

其安易持章第六十四

其安易持其未兆易謀其脆易破其微易散為之於未有治之
於未亂合抱之木生於毫末九層之臺起於累土千里之行始
於足下為者敗之執者失之是以聖人無為故無敗無執故無
失民之從事常於幾成而敗之慎終如始則無敗事是以聖人
欲不欲不貴難得之貨學不學復眾人之所過以輔萬物之自
然而不敢為

安而持之則易危而持之則難事未萌而謀之則易既成而
道藏輯要 道德下經釋辭 堯 心集九

謀之則難脆薄而攻之則易堅實而攻之則難微細而散之
則易盛大而散之則難善治事者防之於未然之先善治亂
者治之於未亂之始易曰履霜堅冰至蓋言漸也既知得履
霜為堅冰之始有事者當不謹其始乎然而合抱之木必自
萌芽而生九層之臺必自勺土而起千里之行必自一步而
始此言天下之事自近而至遠由粗而達精之意也夫有成
必有敗有得必有失是以聖人無心於為故無敗事無心於
執故無失也而人常昧於幾妄為執著或成而敗之或得而
失之蓋其不能謹其始是以不能善其終也若能慎終如始
無執無為則無敗無失也是以聖人不欲人之所欲難得之

貨人之所大欲也聖人不欲之者蓋以外物有執則有夫不
欲之則不被外物所誘也不學人之所學眾人事務其事益
其見聞求於外以喪其內眾人之過也聖人以無學為學而
無所不知以復眾人之過也慎終如始無執無為佐理萬物以
任其自然不敢強為之也

古之善為士章第六十五

古之善為士者非以明民將以愚之民之難治以其智多以智
治國國之賊不以智治國國之福此兩者亦楷式常知楷式是
謂玄德玄德深矣遠矣與物反矣然後乃至大順

古之善治國者不以昭昭之明察察之智以示其民但敦樸
道藏輯要 道德下經釋辭 辛 心集九

其風淳厚其俗而教養之則民亦怡怡其心熙熙其志無願
無慕以安其分則上下同德以治雍熙之化也民之難治者
良由在上之人任智術尚權力民心懷疑是以難治也孟子
曰所惡於智者為其鑿也治國者若以私智治民則民亦以
私智奉上上下下相窺各求其利國之賊也不任智術惟以道
德撫民則民亦感化而懷其德上下攸安國之福也夫用智
則民亂不用智則民安此兩者大中正之法式也常守其
法而不失其德玄矣而播於遠方自然近悅遠來而歸化也
噫眾人以私智自利聖人以大智利人與人相反然後始知
聖人為無我故可以道平正大利順之域而為民之司牧古

善士之風也

江海所以爲章第六十六

江海所以爲百谷王者以其善下之故能爲百谷王是以聖人欲上民以言下之欲先民以言後之是以處上而民不重處前而民不害是以天下樂推而不厭以其不爭故天下莫能與之爭

江海處低安下寬大能容是以百川之水皆歸之故云百谷王也聖人治大國處民上而言下者蓋以聖人謙虛恬淡寬大能容故天下推尊也居民先而言後者言聖人退遜不爭先人後已故天下樂讓也雖然處於萬民之上虛心順理無

道藏輯要

道德下經釋辭

空

心集九

作無爲雖有賦役亦不重也坐於萬民之前省刑息事視民如傷雖有訟獄無大害也是以天下之民懷聖人寬大之量慈祥之仁莫不鼓舞踴躍樂而推戴之願其爲主事之而不厭者蓋以聖人退怯無欲外順中虛是以天下莫能與之爭也如舜居陶漁三年成邑五年成郡行耆讓路耕耨讓畔湯居亳文王之在岐山是也

天下皆謂章第六十七

天下皆謂我大似不肖夫惟大故似不肖若肖久矣其細也夫我有三寶寶而持之一曰慈二曰儉三曰不敢爲天下先夫慈故能勇儉故能廣不敢爲天下先故能成器長今捨慈且勇捨

儉且廣捨後且先死矣夫慈以戰則勝以守則固天將救之以慈而之

聖人心專志一不識不知沌沌兮如愚似訥樸樸兮若鄙若頑藏光去智守弊無爲誠哉似一大不肖之人也不肖者言其與世不相似也以世俗觀之似不肖以道觀之大肖也若世之所謂克肖者肖之小者也故曰我有三寶持之於心而爲修身治國之具能通萬物之情能濟天下之溺一曰慈二曰儉三曰不敢爲天下先慈柔退怯不與物爭故天下莫能與之敵故勇也儉蓄知足裕然有餘故廣也謙虛卑下眾所推尊故能成其長也如若捨慈以任勇則強梁捨儉以事廣

道藏輯要

道德下經釋辭

空

心集九

則驕奢捨後以取先則自大天下怒之其禍隨至死之道也若以慈儉不忍人之心而征伐不戰而自勝天下莫能敵之也若以慈儉不忍人之心而自衛不守而自固天下莫能攻之也此天以斯術假手於我我以此術而衛斯民故曰天將救之以慈術之也孟子曰仁者無敵卽此意也此經雖不主於仁義禮智而仁義禮智潛於其中如此章言一曰慈二曰儉三曰不敢爲天下先者蓋慈者仁之目也儉者義之目也不敢爲天下先禮之目也不敢爲主而爲客智之目也老子易言兼絕仁義禮智哉蓋其善藏諸用耳

善爲士者章第六十八

善爲士者不武善戰者不怒善勝者不爭善用兵者爲下是謂不爭之德是謂用兵之力是謂配天古之極

善爲士者文修武備息兵業農保境安民而已不尚征伐不任勢力故曰不武也善戰者削平定亂誅暴禦寇而已戰固因怒而起以事之當怒不得已而後應然非出於情意之私怒而殺人故曰善戰者不怒也善勝者安靜無事常懷不戰之心固守封疆雖有強暴莫能與我敵故曰善勝者不爭也善用兵者忘其自大之心振謙光之德而人悅從其必樂爲我用故曰善用兵者爲下也善於不爭故人感其德善於謙下故人效其力斯聖人以德服人而人亦誠服之如是則可以配天古以道化民之意然非天下後世之所能及也

道藏輯要

道德下經釋論

卷九

用兵有言章第六十九

用兵有言言不敢爲主而爲客不敢進寸而退尺是謂行無行無爲仍無敵執無兵禍莫大於輕敵敵幾喪吾寶故抗兵相加哀者原矣

用兵有言言兵家有此言也啓釁起兵謂之主以兵應敵謂之客不敢爲主者言其不敢妄動干戈殘害生民也而爲客者迫而後起不得已以兵應敵也不敢寸進者恐其輕敵而殺傷也而退尺者速退不戰以保全也二者皆仁慈不忍之心不樂用兵之意吁有國者若無輕敵妄動之心常存不戰

保全之念雖在軍旅之中如無行陣之可行無恃之可攘無敵之可迎無兵之可執以其無戰之謂也若輕敵者必致於殺人則仁慈不忍人之心又安在哉是喪吾家之寶而禍莫大也噫抗兵相加未有不殺人之多哀哉傷其死之原也

吾言甚易知章第七十

吾言甚易知甚易行天下莫能知莫能行言有宗事有君天惟無知是以不我知知我者希則我者貴是以聖人被褐懷王聖人之道至簡至易盡性則明非智力所能知也道遙坦平豈是難行非捷足所能到也人之所以莫能知者物欲惑之也人之所以莫能行者思慮隔之也百家之言不可勝窮也

道藏輯要

道德下經釋論

卷九

茲繫倒冗以求其要得理斯言可忘知其無言乃爲至簡得其宗也天下之事不可勝數也解紛去煩以求其當至當理自歸一知其理一乃爲至易得其君也宗也君也吾心之主宰本然之妙所謂性也性本寂然本無知也而無所不知本無爲也而無所不爲性之妙有如此者是以聖人知本無知故終日如愚故曰夫惟無知是以不我知也其未發也寂然中主無識無知此聖人之本而人鮮知之故曰知我者希也及其感物而動應變無方發必中節應必中理無所往而不利聖人之用也人能體而行之超凡入聖故曰則我者貴也聖人內懷至美容貌若愚全諸內而忘諸外如蚌內藏珠

石中隱玉而人莫能見其美故云披褐懷玉也

知不知上章第七十一

知不知上不知知病夫惟病病是以不病聖人不病以其病病是以不病

聖人生知常若無知謂之上知故曰知不知上也以不知爲知乃是妄知此學者之病故曰不知知病也若以知爲知不知爲不知則無妄而真知矣何病之有故曰夫惟病病是以不病也聖人知本無知故曰聖人不病也學者若知此知之妄而忘其所知則妄知之病去矣故曰以其病病是以不病也

道藏輯要

道德下經釋辭

奎

心集九

民不畏威章第七十二

民不畏威大威至矣無狹其所居無厭其所生夫惟不厭是以不厭是以聖人自知不自見自愛不自貴故去彼取此

小民不知天威國法可畏竊以小惡爲無傷而弗去積小以成大必致於傾產喪身莫之能逃故曰民不畏威大威至矣此之謂也無狹其所居居喻心神之宅也不狹謂心虛而神自住狹其所居則爲情欲所障而神馳也無厭其所生者喻身道之寄也不厭謂性不昧而身自安也厭其所生是蔽於斷滅而著空也夫道不遠人人自建之人不厭道道自歸之故曰夫惟不厭是以不厭也是以聖人自知其心而不見

其妄自愛其真而不貴其生去彼情障著空之幻取此無心無生之真

勇於敢章第七十三

勇於敢則殺勇於不敢則活此兩者或利或害天之所惡孰知其故是以聖人猶難之天之道不爭而善勝不言而善應不召而自來坦然而善謀天網恢恢疎而不漏

以剛強之氣果敢爭先克敵勝人者血氣之勇死之道也以剛決之心驅除妄念反情復性者理氣之勇生之道也二者均謂之勇勇於果敢則殺勇於自修則活孰利而孰害哉殊不知天道好生惡殺害人者天必殃之也自修者天將佑之

道藏輯要

道德下經釋辭

奎

心集九

也竊知天道深至奧莫知其故亦不易語是以聖人猶難言之蓋以天道非言語所能及也契天之機者故不爭之而自勝不禱之而自應不召之而自來坦然善與人謀之恢恢然雖若寬廣疎濶而其感應運速大小不同則禍福之報人所不能逃也

民不畏死章第七十四

民不畏死奈何以死懼之若使民常畏死而爲奇者吾得執而殺之孰敢常有司殺者夫代司殺者殺是謂代大匠斲夫代大匠斲希有不傷其手者

爲奇不道之民不畏死而爲悖逆亂常之事雖以極刑示之

其亦不懼者幾情貪欲昧了本心所以不畏死耳惟良民則安其分樂其業懼國法常畏死矣吁爲奇不畏死之民而爲悖逆亂常之事執而殺之可也孰敢常有司殺者蓋以司殺人命所繫實非細故胡得輕司殺哉蓋亦不得已也或曰悖逆亂常不道之民天之所厭司殺者代天討之乃天理之至公而非私意而言孰敢常有司殺者何也蓋代天之司殺則所殺尙在我當無歉於心乎譬如代大匠斲希有不傷其手者代天之司殺殄人之命未必不傷吾之德也可不謂歟噴爲奇悖逆亂常不道之民天使殺之而猶以代大匠斲必傷手之戒於此足見聖人惻隱慈祥之心好生之德矣

道藏輯要

道德下經釋辭

卷

心集九

民之儼章第七十五

民之儼以其上食稅之多是以儼民之難治以其上之有爲是以難治民之輕死以其求生之厚是以輕死夫惟無以生爲者是賢於貴生

民之儼皆山上好食賦繁役重而民力困是以儼民之難治蓋山政繁法密過用智術而民心詐是以難治民之輕死蓋山有情有欲過於自愛貪生太厚是以輕死是以聖人已生而殺生未死心先死無心於生而生自全故死不可得而有矣故云賢於貴生

人之生也章第七十六

道德經釋辭

人之生也柔弱其死也堅強草木之生也柔脆其死也枯槁故堅強者死之徒柔弱者生之徒是以兵強則不勝木強則其故堅強居下柔弱居上

人之生也血脈周身和氣充足故筋柔肉軟及其死也血枯脈散和氣離形故肢體堅強草木之生也生氣全津液盛故柔脆及其凋也生氣散津液乾故枯槁以人物之生推之於理則堅強者爲死之徒柔弱者生之徒也譬如用兵恃強必敗本強必折理必然也故知堅強者和氣散則死宜其居下柔弱者和氣全則生故爲上也由是知之剛強爲喪身之本柔弱是養生之要嘆人生胡得而剛強也哉

道藏輯要

道德下經釋辭

矣

心集九

天之道章第七十七

天之道其猶張弓乎高者抑之下者舉之有餘者損之不足者與之天之道損有餘而補不足人之道則不然損不足以奉有餘能以有餘奉天下唯有道者是以聖人爲而不恃功成而不處不欲見賢

經云天道減盈滿補虛空毀強盛益衰弱損思慮歸重蒙聖人之中也譬如張弓待物必因其高下而損益之高者抑之下者舉之則無不中其度蓋其出之於自然故其用與天道同也天之道損有餘而補不足虛則居之實則去之謙必益之滿必損之缺必圓之盈必虧之善必禍之淫必禍之有餘

首損之不足補之皆自然也人之道則不然損不足以奉有餘損下以奉上損人以利己豈其出之於私意而失天之道也是以有道之士苦己以利人曲己以全物捨生以取義博施以濟眾用天下之利而不私其利安天下之民而不恃其能成天下之事而不處其功不求人以知其賢德與天通聖人之道也

天下柔弱章第七十八

天下柔弱莫過於水而攻堅強者莫之能勝其無以易之柔勝剛弱勝強天下莫能知其能行是以聖人言受國之垢能為社稷主受國之不祥能為天下王正言者反

道藏輯要

道德下經釋辭

究

心集九

天下之至柔至弱而能攻天下之至堅至強天下之至堅至強反不能勝天下之至柔至弱譬水至柔也雖金石之堅能滴而川之山陵至強也能湧而摧之故知柔弱勝剛剛則天下古今不易之論也由是知之柔能勝剛弱能勝強而人非不知非不行也但人好自大而不肯謙下好富貴而不安貧賤好強梁而不能柔弱蓋其未能真知是以真能行也聖人有言曰受垢不以辱受屈不求伸則德量寬宏定能容眾故天下推尊之而為社稷主也臨難不苟免受國之不祥一人之饑我之過也一人有罪我陷之也引咎歸己故為天下王也此皆聖人大公中正之德好高自大者挾私而不能行反以

為難故曰正言者反也

和大怨章第七十九

和大怨必有餘怨安可以為善是以聖人執左契而不責於人故有德司契無德司轍天道無親常與善人

恩不及則成怨是怨生於恩也積小以成大故曰大怨也和怨者必以恩而和之以德而釋之或可解之豈能盡無怨乎蓋怨之與怨生於妄也然吾性分之中本無恩怨若以恩而和怨是猶未離其妄宜乎有餘怨矣餘怨尚有安可以為善契者鈎玉劑木皆可為以為信也名曰信符用兵出使皆用之君執其左臣執其右執左契右契來則合之信之而不疑惟知有契而不擇人故曰而不責於人也竊嘗思之聖人之待天下何恩何怨惟德是施以信待人而人自然感化故恩不結而自有怨不和而自消亦猶執左契以合右契恩乎怨乎於我何有故有德者如契之無私無德者服聖人之化亦能循途守轍而不失道路之正故聖人亦與之故曰天道無親常與善人也

小國寡民章第八十

小國寡民使有什伯之器而不用也使民重死而不遠徙雖有車馬無所乘之雖有甲兵無所陳之使民復結繩而用之甘其食美其服安其居樂其俗鄰里之相望雞犬之聲相聞民至老

死不相往來

五人爲伍二伍爲什五伍二十五人爲隊四隊爲伯器謂兵
器也百里之地小國也人民尙少先君利之於前子孫繼之
於後無有制作之志惟安其祿位而已雖有什伯之器亦不
用也而民亦安其分樂其業守其常重其死不忍背我而遠
徙於他國雖有車與無所乘之以其無遠徙故也雖有甲兵
無所陣之以其無攻戰故也惟使其民返樸還淳以復上古
結繩之治力田以甘其食蠶桑以美其衣守分以安其居敦
實以樂其俗鄰里之相望雞犬之聲相聞無欲無求各安其
業白幼至老不相往來麀鹿其心駒犢其志若此謂之主德
道藏輯要 道德下經釋辭 主 心集九

之世熙熙然皞皞然太古之民也

信言不美章第八十一

信言不美美言不信善者不辯辯者不善知者不博博者不知
聖人不積既以爲人已愈有既以與人已愈多天之道利而無
害聖人之道爲而不爭

眞實之言簡淡似不美便佞之言文飾似美也善者無人我
無分別與物無爭故不辯辯者好是非多分別致爭之由故
不善知者言簡當事直述似不博博者溺文辭尚名數故知
少聖人與世同食而不同積故曰聖人不積以教養萬民爲
心以化成天下爲念枉己以從人曲己以全物故天下愈尊

正一天師清微弟子 洪百堅 製作

道教學術資訊網站

之既以爲人已自推己以及人博施以濟眾故天下愈大
之既以與人已愈多天道大生之仁善利萬物而不違物之
時故曰利而無害聖人大化之仁善養萬民而不逆民之情
故曰爲而不爭此言聖人德與天同故於終篇發之以證天
人二員之意以曉天下後世之民明其心以盡其性而知其
天則天人之理昭然於心目之間無餘蘊矣復何言哉

道藏輯要

道德下經釋辭

主

心集九

老子解序

李贄曰嘗讀韓非解老未始不爲非惜也以非之才而卒見殺於秦安在其爲學乎

以堅強此勇於敢

敢固已方圓冰炭若矣而

德申韓宗祖可歎蘇子瞻求而

不得乃強爲之說曰老子之學

重於無爲而輕於治天下國家

是以仁不足愛而禮不足敬韓

非氏得其所以輕天下之術遂

至殘忍刻薄而無疑嗚呼審若

是則不可以治天下國家者也

老子之學果如是乎夫老子者

道德經序

非能治之而不治乃不治以治

之者也故善愛其身者不治身

善愛天下者不治天下凡古聖

王所謂仁義禮樂者非所以治

之也而况一切刑名法術歟故